

## **Loma Loma am nâmkinpepenmak ekņengat zapat meluwaņ Pâlaņ kumindaye.**

Loma zapat meluwaņ kapiyelen zet yaņbemti zenzeyelen kapigok. Pâl egaņ Zisasimak ku maņge yaņgut egat kwitnaņ Zisasiyelen nemba ekņengalen maņgeen tazin. Yaņaņ kapigokgalen: Egaņ mulup mge ke Zisasiyet nembaņaneyaņ mimiyele sepe keyet kataņ Pâlaņ mulup mge. Kogogapmti egat kwitnaņ Kawawaņgalen Zet Zapat Dolakņaņ Penაņ timamti zenzeyelen an kumteti ombempepeņaņ kekok ņep zewanek. Loma zapat meluwaņ kapi Pâlaņ kuye. Pâlaņ Kawawaņgalen Tâtâ Alakņaņ kapiyet kejanen egaņ zapat meluwaņ mme 14 kekok beye. Pâlaņ Loma zapat meluwaņ kapi kukņaņgat ku kuye yaņgut an maņge Kawawaņgalen Zet ondekbeme papia ņotekņaņ kwep kwage ekņenaņ Loma ņeņaņ bewien. Pâlaņ zapat meluwaņ kapi Kolin mkaen tati am nâmkinpepenmak Loma mka temanen mamtemien ekņengat kumindaye.

Pâlaņ zet yaņaņ kulekiyet zapat meluwaņ kapi kuye? Zet ņotekņaņ kapigok: Kawawaņgalen Zet Zapat Dolakņaņ Penაņaņ set pembenაņ zikat ndame Kawawaņmagen tususu aiikgalen setnaņ nâmkinpepe. Kekok mme Kawawaņaņ an teņ zemindendeyelen. Wa ke zii zet gawepupuņinaņgapmti yek. Ke Zuda am maņge ekņengalen etaņ yek. Am notnaņ Zuda

manjeen ku sokbemberaŋ ekŋengat temakwep. An ŋenaŋ Loma zapat meluwaŋ Pâlaŋ kuye kapiyet zet ŋen pigok zeye, “An ŋen notnaŋ set zikat same nâmkijpepe aiiŋgalen nâmti Loma zapat meluwaŋen mâtâti notnaŋ set ke ŋep zikat sasayelen, enenogat tunjupmaŋ sambeyet yewenjan set keboŋgat zetnaŋ e zemâtâzin etaŋ.” Zet isisikŋaŋ notnaŋ kapigok: Egaŋ Loma dapmelange met indikti keyetnaŋ Sipenia mebegalen nâmti kumindaye (1:10-15; 15:22-29). Pâlaŋ Kawawaŋgalen keŋaŋ temaŋ kapigok tazin zeye, Zuda am ma am sambe ekŋen temakwep Kawawaŋmagen kokogalen nâmti kuye.

**Zet ŋotekŋaŋ temaŋ kapigogaŋ Loma zapat meluwaŋ kapiyet keŋaŋ talip:**

*1:1-15* Zet mopmaŋ bemti zet zenzeyelen zet

*1:16-17* Zet yewenaŋ kapiyet keŋaŋ tazinaŋ zet zapat meluwaŋ kapiyelen zet ŋotekŋaŋ penaŋ bein

*1:18-8:39* Zuda ammak am Zuda manjeen ku sokbemberaŋ ekŋen temakwep am yom toŋaŋ. Nâmkijpepe etaŋaŋ am mme teŋ makwalip

*9:1-11:36* Islael am ekŋengalen zet kululuŋin ma Kawawaŋaŋ ekŋengat zigok manâmtazin keyelen zetnaŋ

*12:1-15:13* Mama mimiyen nâmkijpepeyeyet yaŋaŋ ŋep msokbembeyelen

*15:14-16:27* Zet zemdelaŋ zenzenaŋ notnaŋ ma wisikŋ zetmak zemgwatnaŋ zet notnaŋ mge

<sup>1</sup> Neŋ Pâl Zisas Kilaisiyelen mulup anaŋ mamti

Kawawaŋgat Zet Zapat Dolakŋaŋ Penañ zem-  
palakŋaŋ bembeyelen nâmti ombemneŋge

<sup>2</sup> Kawawaŋgalen Zet Itnaŋaŋ teŋ keyaŋ  
Zet Zapat Dolakŋaŋ Penañ keyet eweŋaŋ  
Kawawaŋaŋ zetik mti golaŋ zenze anene zeme  
kumâbien. <sup>3-4</sup> Ke ikŋaŋgat Nemuŋaŋ ningat  
Amobotnaŋaŋ Zisas Kilais. Ek an ningalen  
sek penañ timti amnaŋ masokbenup keyet  
kataŋ Dewit egalen maŋgeen sokbeye. Naman  
Kawawaŋaŋ gakikiengatnan mme wage keyaŋ  
msokbeinen ek ilak Kawawaŋgat Nemuŋaŋ. Ek  
An Teŋ Kawawaŋmak windeen tati zemâtâtât  
mulup msâpm ke sosok sokbemkawaŋ beye.  
<sup>5</sup> Zisas Kilais Amobotnaŋŋaŋgat pembedaŋgat  
Kawawaŋaŋ keŋ taolet mnamti ombemneme Zet  
Zapat Dolakŋaŋ Penañ mmebegalen mulup ke  
naŋge. Kegok mti Zet Zapat Dolakŋaŋ Penañ kapi  
msat kataŋ zemepma ikŋaŋgat kwizet buŋamaŋ  
palakŋaŋ bemepme amnaŋ nâmkinpemti  
gawepupuyelen nâmti zemneŋge. <sup>6</sup> Mti in  
Loma mkaen talip kegogak Zisas Kilaisiyelen  
am bembeyelen Kawawaŋaŋ indazemtetiŋaŋ  
keyepmti Kawawaŋgalen mulup kapi inmagen  
kegogak mimiyet zemneŋge.

<sup>7</sup> Keyepmti neŋ in sambe Kawawaŋ gogot mi-  
mindamti indakumtetime ikŋaŋgat zapat bewien  
Loma mkaen maip ingat zapat meluwaŋ kapi  
kumindayap. Neŋ ingat keŋŋ nembeinen Bipm  
Kawawaŋ ma Amobotnaŋ Zisas Kilaisiyaŋ keŋ  
taolet ma keŋ sewak mimindawe.

*Pâlaŋ Loma am ekŋen met indidikgat nâŋge*

<sup>8</sup> In Zisas Kilais nâmkijpewien keyet zapatnañ msat katan am sambe ekñenmagen mekopme ingat nâmindeme dolakñañ bein keyepmti neñ in sambeyet nâmti Zisas Kilaisiyet kwitnanen Kawawañnanggat wisikñ zeyap. <sup>9</sup> Neñ Nemunañgat Zet Zapatnañ Dolakñañ Penañ zemi keñnañ Kawawañ sisiliñ mulup msama egañ eknâm mme neñ penañ zeyap neñ kan katan mandunduyapnok ingat maotnâyap. Ke Kawawañañ ñep nân. <sup>10</sup> Maneti Kawawañañ nâme ñep beme sakwep set aikme inmagen kokogat nâmti mandundum sayap. <sup>11</sup> Neñ in koindidigalen penañ nâyap. Neñ kolawen ingat nâmkijpepeñin mkatikñañ bema Emetak Teñmagengatnan mama mimi makozin keyañ kot mukulem mimindeme katikñañ bemti tatagat nâyap. <sup>12</sup> Yañ inmagen kolawen nâlen nâmkijpepen Kawawañmagen tazin keyañ in indamukulem mimindawe ma ingalen nâmkijpepeñin Kawawañmagen tazin keyañ neñ kogogak mukulem mnewe. Kogok mbanup keyañ ningalen tususu kwep e wemdain kegok nâmbanup.

<sup>13</sup> Kilaismagen notnne, in nâgât yaññ kandabepmagengapmti pigok zema nâit. Neñ am Zuda mañgeen ku sokbemberñañ notnañ ekñen Kilaismagen timkwat indendeyet mammelap kegogak inmagen mulupmnañgat penañañ sokbembeyet manâyap. Yañgut kan sambe kosât penañ mma mulup sambeyañ nayupme tentewati matalap. <sup>14</sup> Neñ am sambe Glik zet nâip ekñenañ ilinañgat nânâñinmak manâip

ma am zet notnaŋ nâiwengat nâmindeme an tototnaŋ mambeip ekŋen kemagen Zet Zapat Dolakŋaŋ Penaŋ timmet diindondoyet mulup zet ke nanaŋaŋ ke ilak ekŋengalen tosa butnaŋ neŋmagen tazin keboŋnok. <sup>15</sup> Kegok keyepmti neŋ Loma mka teman am inmagen Zet Zapat Dolakŋaŋ Penaŋ zenzeyet keŋnaŋ puŋpuŋ kogogak mamin.

*Nâmkiŋpepe etaŋaŋ mme mama kanzizit tiwanup*

<sup>16</sup> Neŋ Zet Zapat Dolakŋaŋ Penaŋ kapiyet nâma sakambukŋaŋmak ku mambein. Ke Kawawaŋgalen winde keyepmti am kwiyaŋ nâmkiŋpewe beme egaŋ kululuŋgat zapat mambe. Zet Zapat Dolakŋaŋ Penaŋ ke Zuda am ekŋenaŋ ŋeŋaŋ nâmbien. Âpme alakŋati am notnaŋ Zuda am maŋgeen ku sokbembenŋ ekŋenmagen mesokbein. <sup>17</sup> Zet Zapat Dolakŋaŋ Penaŋaŋ manzemâtâtndainen Kawawaŋaŋ am mme ikŋaŋmak teŋ mamayelen manzemkawaŋ beinen am ek nâmkiŋpeip. Kegok ke eweŋan baenen mkwageaŋ ewe tusumti mmoibe ke nâmkiŋpepeŋin Kawawaŋmagen tazin keyepm ekŋengat kogok manâin. Kawawaŋgalen Zet Itnaŋaŋ pigok zenzeŋaŋ,

“Am Kawawaŋ manâmkiŋpep ekŋen Kawawaŋaŋ nâmkiŋpepeŋinaŋ ekmagen tazin ke ekti kwilin, ‘An teŋ,’ makuin.” *(Habakuk 2:4)*

*Am sambeyaŋ Kawawaŋ bamkumpemâbien*

<sup>18</sup> An ekŋenaŋ Kawawaŋ bamkumpemti ekŋenaŋ mama mimi bekaŋaŋ mti

Kawawaŋgalen zet penaŋ ke mtopeipgapmti Kawawaŋgalen ŋenzinziŋ kululuŋengatnaŋ sosok masokbemkawaŋ bein. <sup>19</sup> Kawawaŋgalen yaŋaŋ am ekŋenaŋ nânâyelen ke sosok penaŋ. Kawawaŋaŋ ikŋaŋegak zemsokbemindaye. <sup>20</sup> Kawawaŋaŋ kululuŋ ma msat yaŋbemti mge kaimgatnan alak kapi amnaŋ ek ku eekgalen yaŋgut windaŋaŋ delaŋ zenzepiŋ ke sosok nâip. Ke egaŋ kwitnaŋ kwitnaŋ mge keeset eknâm mamip. Keyepmti ekŋenaŋ sapepe zet ŋen ku zenzeyelen. <sup>21</sup> Ekŋenaŋ Kawawaŋ mamain ke nâmtiŋgut ku mamainok egat nâme belakŋaŋ penaŋ beme egat kwizet buŋamaŋ ku mwabien ma egat wisikŋ zet ŋen ku zewien yek. Ekŋenaŋ zem yuŋguŋgu omba penaŋ mti keŋin kilom beme tambusosogaŋ indasumuŋge. <sup>22</sup> Mti, “Nin nânânmak mamanup,” zemti mbienangut ekŋen nânâninpiŋ penaŋ bewien. <sup>23</sup> Kegok mti ekŋenaŋ Kawawaŋ mama kanzizit mamain ke sesewatsasapiŋ ekŋenaŋ nopiom ma age weŋaŋ nembon ma soŋgom weŋaŋ nembon ma sayomgamak nombe weŋaŋ nembon bam yek bemâbe ekŋengat weŋin sâme temepme ke sesewatsawien.

<sup>24</sup> Kegok mme keyepmti Kawawaŋaŋ indik talat indeme mama mimiŋin bekaŋaŋgat tikŋaŋaŋ indamandame meti bekaŋaŋ omba sakambukŋaŋmak penaŋ ilinaŋgat nâmtikŋaŋinaŋgat mamip. Keyaŋ indamandame nolin ilin nembon kemak set kileŋ mama omba mbien. <sup>25</sup> Ekŋenaŋ Kawawaŋgalen zet penaŋ peme tapme zet notnaŋ dâsuki

tusumti nâmebien. Âpme ekñenañ Kawawañgat mundumanen kwitnañ kwitnañ egañ mme sokbeye ke sesewatindawien. Kawawañ An kwitnañ kwitnañ mme sokbembeyelen An ikñañ ke amnañ kan katanñ sesewatgatnan sesewatsasayelen. Ke penañ.

<sup>26</sup> Am ekñenañ ek bamkumpewien keyepmti Kawawañañ katik indeme ekñenañ sekñañañgalen tikñañ ombañañ indamandame yom sakambukñañmak mbien. Ma imbi mee ekñenañ kogak Kawawañgalen zemâtâtât katipemti mama mimi bekanañ imbiyañ imbi nolinmak set kilenñ mambien. <sup>27</sup> Ma an ekñenañ kegogak awembiñ mama ke katikpemti keñinan set kilenñ mamayelen tikñañ ombañañ indamandame anañ nolinemak tamañ mama katanñ mambien. Ili ilinagak kekok mti sakambuk temañ aikbien ma keyet penañañ sekñañan walelet aikme delañ zeye.

<sup>28</sup> Naman ekñenañ Kawawañgat yañañ ke nâmtiñgut nânâninañ ek mkatik bembeyet ku nâmbien keyepmti Kawawañañ katimindemti nâmindame ekñenañ mama mimi mgasik penañ amnañ ku mimiyelen ke ekñenañ mkwabien. <sup>29</sup> Mti ekñenañ mama mimi bekanañ yañañ yañañ sambe ma nolineyelen kwitnañ kwitnañgat kakiki ma kasa kasa ma pepet ma dâsuki tetimae ma zekuku mamip. <sup>30</sup> Ma zeok zet ma Kawawañgat ñenzinziñ mimi ma noline mtoindende zet ma segeyak notnañ ma sek mmobot mti mapoñgeñin makup ma ekñenañ bekanañ sambeyet ñoktik bembe ma mambi-

wineyet zet kululu <sup>31</sup> ma keŋ weyaŋ otnânâpiŋ mama ma zemkatik bembepin ku mamtalip ma am kembepinpiŋ. Mti ilinaŋgat siwin butnaŋ ku maotnâindaip. <sup>32</sup> Kwitnaŋ kwitnaŋ ke mbep beme gakiwep Kawawaŋgalen zii zet teŋen kekok tazin ke nâmtiŋgut mamaip. Yaŋgut ke etaŋ yek. Notnaŋ ekŋenaŋ mama mimi keyegak mme ekŋenaŋ kwizet buŋamin mamwatindeip.

## 2

### *Nin am sambe an yomtoŋ*

<sup>1</sup> Kilaismagen notnne, in eneyet amnegak yominangat tosaŋaŋ mutumindandayet omkakali mulup mamip? Kawawaŋaŋ am yominangat tosaŋin mamutumindain keyet zet mobotnaŋ mimipiŋ mbek? In ekŋengat am bekaŋaŋ dopmaŋin mutumindandayelen kogok zeip beme in ilinaŋgat yomin zemsokbeip. Eneyet in yom sepem kwep ekŋenaŋ mamip keyegak mamip. <sup>2</sup> Mti am kekok mamip ekŋen ke Kawawaŋaŋ zet zemdelaŋ zenze mulup mti yominangat dopmaŋin mutum maindainen keyet yuŋguŋguŋaŋ ku tazin. Ke nin nâmtatnupgaŋpmti <sup>3</sup> kapiyet otnâit. In ilin ekŋengalen myuŋguŋguŋin keyet zetnaŋ zemti naman ilin keyegak mamip. In nâme Kawawaŋgalen dopmaŋ mututu kan keyaŋ in ku seabem indewe nâseipgat. <sup>4</sup> Kawawaŋaŋ ingat gogot ma keŋ pembenan tatnâmindein ma damuŋ nâmisim main pi yaŋaŋmak: Egaŋ in yominangatnaŋ keŋin gilik zemti egat keŋin talasim sasayelen nâmti damuŋ tazin keyepmti in



bankumpepepiŋ. Mama mimi bekanaj tapmip keyaŋ zemsokbeinen in Kawawaŋgat yaŋaŋ ku nâmatâlip. <sup>5</sup> Ma kegogak inmagen zigok sokbewe kapi nâmatâbep. In keŋin katikŋaŋ penaŋ. Kok keyepmti in yominanŋat dopmaŋin Kawawaŋgalen ŋenzinziŋ ma zemdelanŋ zenze myuŋguŋguŋepiŋ keyet kanaŋ sokbesâpm ke ewe inmagen mobogalen mme omba mambein. <sup>6</sup> Kawawaŋaŋ nin mama mimi mben keyet kataŋ tosaŋaŋ ndamâbe. <sup>7-10</sup> Am notnaŋ ekŋenaŋ mama mimi dolakŋanen katikŋaŋ bemti matalip. Mti mama mimi busatnaŋmak mamip ma mama mimi Kawawaŋaŋ nâmtikŋaŋ mam ke ma mama ŋep ku yek bembeyelen Kawawaŋmagen titiyelen webem maip ekŋen ke Kawawaŋaŋ mama kanzizit ke indawe. Zuda am ekŋen ŋeŋaŋ indamti am notnaŋ Zuda am maŋgeen ku sokbembenjaŋ bam indawe. Yaŋgut am notnaŋ ilinaŋat etaŋ nâmti zet penaŋ ŋotekŋaŋ mambamkumpemti mama mimi bekanaj mâtimaip ekŋen Kawawaŋaŋ ŋenzinziŋ m indamti dopmaŋin kwitnaŋ kwitnaŋ nukŋaŋben penaŋ mutumindawe. Bekanaŋ mimi am sambe ekŋen sindem ma nukŋaŋ temaŋ ekŋenmagen sokbewe ke Zuda am ekŋenmagen ŋeŋaŋ ma am notnaŋ Zuda am maŋgeen ku sokbembenjaŋ bam sokbemindasâpm. <sup>11</sup> Kawawaŋmagen ekŋ ke ekŋ ke ku tasain.

<sup>12</sup> Am Zuda maŋgeen ku sokbembenjaŋ ekŋenaŋ zii zet nânâpiŋ mamti bekanaj mamipgapmti yominanŋat dopmaŋ mutumindamti walelelen indaween zii zelen timtati ku zem indowe. Enenogat ekŋenaŋ bekanaj ke pembenjaŋ ke

keņinan baen zemâtâtât kegok ke sokbeme nâmpemti mamip keyet penaņan Kawawaņan dopmaņ mutumindawe. Ma am zii zet nâmâtâtinġut bekaņan mamip ekņen ke Kawawaņan zii zelaņ tazin keyet kataņ zelin zemdelan zemindewe. <sup>13</sup> Zii zet belak wagaņ etaņ manâmpeme wein ekņen keboņ ke Kawawaņan indikme teņ penaņ ku mambeip. Nâmti maņgawepuip ekņen keboņgagut egaņ nâmindeme teņ mambeip. <sup>14</sup> (Am Zuda maņgeen ku sokbemenan ekņenan zii zet ņen ņep zemzikat indam ku mimiņan ekņenan keņinaņgalak zii zet gawepumti am zii zepiņanġut zii zetmak mamaņan mamaip. <sup>15</sup> Kegok mme zii zet keņinan baen meluwaņ mpepeņan keyet yaņan mamsokbemkawaņ bein. Zii zet ke Kawawaņan keņinan kumpeye keyepmti keyaņ kemi kemi mamimindain. Âpme Zuda am mangeen ku sokbemenan ilinaņgat ņotikņinan epeeme kalaņti nembet mambekekindeip naman nembet mama mimi mamip keyet nâmindeme ņep mamip.) <sup>16</sup> Kawawaņan Zisas Kilais amgat zet zemdelan pepeyet mulup zet zapat zepepeņan kan ke kosâpm. Koti am sambeyelen bekaņan mimiyele tikņanin, ņotikņinan nâmbien ma keņinan enzililiņan maakumbeip ke kalaņ kumti ekmâbe. Neņ Kawawaņalen Zet Zapat Dolakņan Penanen zem ndowe mandiindoyap. Keyet kataņ am sambe Kawawaņalen zet muluwen tapmann delan zemâpbe.

*Zuda am ekņenan zii zet ekņenmagen tazin kogok zemti sek mrobot mamip*

17 Âpme in Zuda am keyepmti sekñin mmoti manzeip, “Zii zelañ etañ ñep ndamukulem m ndeme Kawawañmak notn notn mmambanup,” manâip. 18 “Nin Kawawañ amnañ zigok mimiyeleñ manâmain ke ñep nâmtatnup. Nin zii zet keñan pembedañ de mamayet ke eweñan nâmbenn,” zemti sek mobot maip. 19 Mti in am zii zet ku matimaipgat pigok manâip, “Ekñen ke zikalin beñañ ma tambusosogen mamaipgapmti nin ñep indamandanti busatnanen kweindewanup.” 20 In am nânâñinpiñ ekñengalen zemâtâtât ma Zuda am mañgeen ku sokbembenañ ekñen nemunambanok nâmindemti manzikat indaip ma in zii zet taindaingapmti in kwitnañ kwitnañ ñep nâmtâtatnup zemti zet mobotnañ mamip keyepmti in zet zeip ke penañak kok manâip. 21 Ma in kegok zemti am notnañ etañ zemzikat indaip yañgut keñin zemzikat sasapiñ mamip. In amgat, “In kambu ku tiwep,” zemtiñgut ilin kambu matip. 22 “In sek kileñ ku mambep,” zemtiñgut in ilin sek kileñ mamaip. In nopiom mee manzentalat indeip yañgut in ilin naman nopiomgalen mkaengatnañ kwitnañ kwitnañ kambu matip. 23 In zii zetgat nâme mobotnañ beme sek mmobot palen mamaip yañgut zii zet kulumti mama mimi bekanañ mamip keyañ Kawawañ kwizet buñamañ mamtopeip. 24 Keyepmti Kawawañgalen Zet Itnañanen kapigok zein,

“Am Zuda mañgeen ku sokbembenañ ekñenañ ingalen myuñgungu ke ekti Kawawañgat

kwitnaŋ kwelat makumpeip.” (Aizaya  
52:5; Esekiel 36:22)

*Sek butnaŋ antimpepe keyaŋ mme  
Kawawaŋgalen am ku bembeyelen penaŋ*

<sup>25</sup> In ilinmagen Kawawaŋgalen piliŋ bemti sekŋin butnaŋ antipepeŋ ke zii zet gawepume penaŋmak bewe. Ma zii zet ku gawepume sekŋinan piliŋ bembenaŋ keyaŋ penaŋepiŋ bewe.

<sup>26</sup> Keyepmti an Zuda maŋgeen ku sokbembenaŋ sekŋaŋ butnaŋ ku antim pepeŋaŋ yaŋgut mama mimi esemteŋ mti zii zet gawepuween ek Kawawaŋaŋ egat nâme sekŋaŋ butnaŋ antim-pepeŋaŋ keboŋ bewe. <sup>27</sup> Zuda am in zii zet taindain ma sekŋin butnaŋ antitiŋaŋ keyaŋgut in zii zet maŋgosoip keyepmti am Zuda maŋgeen ku sokbembenaŋ ekŋenaŋ mama mimi dolakŋaŋ mamip keyaŋ in zem indoin. <sup>28</sup> An ŋenaŋ sekŋaŋ butnaŋ antitiŋaŋaŋ sekŋanen piliŋ etaŋ mti belak sekŋaŋ Zuda am sepem mambe an keboŋaŋ Kawawaŋgat zikatnan an ke Zuda ammagengatnan penaŋ ku bein. Sek butnaŋ antiti ke kegoŋak mamayelen ma keŋgalen piliŋ. Angat nâmkipepeŋaŋ Kawawaŋmagen tazin ke piliŋ nemboŋ. <sup>29</sup> Âk an ke keŋaset piliŋ bembenaŋ beme egaŋ Zuda an penaŋ mambein. Ke Kawawaŋgalen Emetak Teŋaŋ keŋanin mulupmaŋ mme nâmkipepe maaigip wan zii zelaŋ yek. An ke Kawawaŋaŋ masesewatpein, amnaŋ yek.

### 3

*Mama mimi bekaŋaŋaŋ mama mimi pembe-  
naŋgalen winde ŋep ku mtopepeyelen*

<sup>1</sup> Keyepm Zuda am mama ma sek butnaŋ antimpemti Kawawaŋmak teŋ mama aiikgalen setnaŋ nep ku tazin yaŋgut Zuda am mama ma sek butnaŋ antiti eget muluwitmak. <sup>2</sup> Penaŋ sukwep! Kukŋaŋgat Kawawaŋaŋ Zuda am ekŋen ikŋaŋgalen Zet Itnaŋaŋ kukuŋaŋ ke ti mamayelen indaye. <sup>3</sup> Âpme Zuda am ekŋenaŋ Kawawaŋgalen Zet Itnaŋaŋ kukuŋaŋ am notnaŋ ke ku nâmkinpewien yaŋgut Kawawaŋaŋ ekŋen zigok mindasâgât zemkatik beye keyet katan mbe. <sup>4</sup> Penaŋ sukwep! Kawawaŋaŋ zetik mge ke penaŋ msâpm. Dâsuki yek. Am sambeyaŋ dâsuki manzemann delaŋ zein. Kawawaŋ etaŋaŋ zet penaŋ manzein. Keyepmti Kawawaŋgalen Zet Itnaŋanen zet pigok zenzeŋaŋ,

“Zedi sambe ke esemteŋ etaŋ bemâzin. Mti ekŋen zemindowanik beme gâlen zemindondo ke esemteŋ ma teŋ.” *(Sam 51:4)*

<sup>5</sup> Âpme mama mimi bekaŋaŋ Kawawaŋ Teŋ mamaŋgat yaŋaŋ mamsokbein keyepmti Kawawaŋaŋ mama mimi bekaŋaŋ keyet dopmaŋ mutumndame nep ku bewe. (Zet ke amgalen nânâ etaŋ penaŋ zeyap.) <sup>6</sup> Kegok nep zenzeyelen. Ke nep penaŋ yek. Kawawaŋ ek bekaŋaŋnnaŋgat tosaŋaŋ ndame nep penaŋ bewe. Kawawaŋ ek esemteŋ ku mamanak ze zigoset egaŋ am sambe kapiyelen zelin zemdelaŋ zenak?

<sup>7</sup> Âpme naman Zuda am nin Kawawaŋgalen zet ku gawepumti keyet nâmann pembeŋaŋ tatnup beme keŋnan kapigok nânup. Kawawaŋaŋ am indikme yom mip ekŋengat am yomton manzeingapmti neŋ bekaŋaŋ miap keyaŋ

Kawawaŋaŋ manzein ke bandim mti mma egat kwitnaŋ mamwatomzempeap. Mti pigok zenup Kawawaŋaŋ ningalen bekanan nnaŋgat dopmaŋ ku mutumnanayelen enenogat egaŋ Zuda am maŋgeen ku sokbembenaŋ ekŋen mammimindain keyet kataŋ ŋep ku minndawe. <sup>8</sup> Âpme ŋoktikŋen Zuda am ekŋenaŋ manâiwen kapigok, “Nin bekanan omba penaŋ mne, kogok mman Kawawaŋmak teŋ mama ke soksok sokbek.” Am notnaŋ ekŋenaŋ ŋoktik keboŋ ke timamti tazempalakŋaŋ beyap zemti neŋ nâmbem neyo. Keyepm bam maneti keyet tosaŋaŋ tiwep. Zet ke penaŋ sukwep.

*An ŋen teŋ yek*

<sup>9</sup> Zemdelaŋ zesâti zet ŋen kapigok zesowap. Zuda am nin Zuda am maŋge ku sokbembenaŋ ekŋen silim indemti pembedaŋ mamnup kegok ŋep ku zenzeyelen. Yek, nin kegok ŋep ku zenzeyelen. Am nin sambe ilak bekananŋat keŋan toweti tatnup. <sup>10</sup> Kawawaŋgalen Zet Itŋananen zet kapigok tazin,

“Msalen am ŋenaŋ teŋ penaŋ ŋen ku mamain. Yek penaŋ. <sup>11</sup> Ma am ekŋen ke Kawawaŋ ku nâmatâlip. Ma ekŋen ke Kawawaŋ ku matimalip. <sup>12</sup> Am sambe Kawawaŋ bamkumpeme delaŋ zeme yom mti mimiek etaŋ mamip. Am ŋenaŋ mama mimi ŋen dolakŋaŋ ku mamin. Yek penaŋ.” *(Sam 14:1-3)*

<sup>13</sup> “Dembusekŋin zaim timpeme matazin kegogak ŋandemti matalip. Nambalaminan

mobototot mme zet dâsuki manze-  
myalonip.” (Sam  
5:9)

“Zelin kukñañben nombeyelen zet tuñañ  
bekanañ am indime mangakip keboñ  
keboñ.” (Sam 140:3)

14 “Dembusekñinanen saik zet akñañ bemisik  
tazin.” (Sam 10:7)

15 “Ekñañ am indome gakikiyet windañañ pe-  
ñañ mamip. <sup>16</sup> Kan katan ekñañ kwit-  
ñañ kwitñañ kumwaletmeti am nukñañ  
maindaip. <sup>17</sup> Ekñañ mamasi palen  
mama keyet setñañ ñen ku nâip.” (Aizaya  
59:7-8)

18 “Mti ekñañ Kawawañgat bugan ku  
makiñgalip.” (Sam 36:1)

19-20 Nin kapigok manânup, zii zelen zet zen-  
zeñañ sambe ke am zii zetgat kandañañ ma-  
maip ekñengat etañ zenzeñañ. Zii zet etañ mâti  
Kawawañgat zikatnan teñ mamayelen ku tazin.  
Kegok yek. Keyepmti an ñenañ pigok ñep ku  
zenzeyelen, “Neñ teñ penañ mamayap.” Zii  
zelañ mama mimi bekañañ etañ manzikat ndain.  
Msat sambe am mamanupgalen yomnañgat  
Kawawañañ dopmañ mutumndandayelen kan  
keyet am ñenañ ku zemusulabe.

*Am Kilais manâmkiñpein egañ kwit “Teñ  
mama” ke matin*

<sup>21</sup> Keyepmti Kawawañañ zii zet ke tapeñ tapme  
egañ mama mimiñañ teñ ke sokbemkawañ  
bembeyet setñañ ñen aigeyañ amnañ ekti  
nânâyelen tazin. Zii zetmak golañ zenze an  
ekñengalen meluwañen tazinen Kawawañañ

amnanj mama mimi tej mamayet setnanj ñen aikbe. <sup>22</sup> Am Zisas Kilais manâmkinpeip ekñen etanj Kawawañanj mme tej makwalip. Kogok mti Kawawañanj am Kilais nâmkinpepeñanj Zuda ma am Zuda mangeen ku sokbembenanj ekñen Kawawañmagen nâmkinpepeeset kolip ekñen ke indikme sepem kwep mambeip. <sup>23</sup> Nin sambe yom mbenn keyepmti Kawawañgalen mama tej ke nin ku titiyelen. Kegok mti nin Kawawañanj mama mimiyelen nânge ke ku mbenn kegoselanj Kawawañgat kwitnanj ku mwatpewann. <sup>24</sup> Kogok mamann Kawawañanj ningalen yomgat dopmanj Zisas Kilais peme toti gakiye. Kogok mge ke Kawawañanj keñ taolet mindayeyepmti ningat, “An tej,” kogok manzein. <sup>25</sup> Kawawañanj eweñan amnanj yom mkwabien keyet dopmanj sakwep ku mutumindaye. Eganj keñ taolet mimindamti Zisas peme koti yominanjgat dopmanj gakikiyet nâmti maindiktatan. Ya am egat nâmkinpewien Zisasiyet sipmananj toti yomin zulut kwetetep mamindein kan keyet Kawawañgalen mama mimi tej ke mamkawanj bein. <sup>26</sup> Yanjut Kawawañanj ikñanj keñ tej toñanj keyet yananj zikat indandayelen alak pigogak am yomin belak ku maekpeme wen. Kogok mti eganj ikñanj tej keyet penanj am Zisas manâmkinpeip ekñen mme tej mambeip. <sup>27</sup> Keyepmti nin mamponganj ene pembenanj mbengapm kuwanek. Kegok nin ku mimiyelen. Enenogat ningalen mama kanzizitgat setnanj ke nnanjat pembenannanjanpmti ku aiikgalen. E Kilaismagen nâmkinpenup keyanj maaikndain. <sup>28</sup> Keyepmti kapigok nâmann wembe. Am nin



zii zet gawepumtiyepm tej ku mambenup. Nâmkinpepenn Kawawaŋmagen tazin ke ekti ningat an tej manâin. <sup>29</sup> Kawawaŋ ek Zuda am ningalen etaŋ yek. Ek kogogak am Zuda maŋgeen ku sokbembenaŋ ekŋengalen. Ek nin sambeyelen Kawawaŋŋ temakwep. <sup>30</sup> Ek Zuda am ma am Zuda maŋgeen ku sokbembenaŋ ningalen Kawawaŋ apapalak matatndain. Zuda am notnaŋ ekŋenaŋ Zisas nâmkinpewiengapmti am tej manâindein. Am Zuda maŋgeen ku sokbembenaŋ notnaŋ ekŋen kogogak nâmkinpepeninaŋgapmti am tej manâindein. <sup>31</sup> Nâmkinpepeen kegok mti Kawawaŋgalen zii zetgat winde ke ku maasekman delaŋ zein. Yek penaŋ. Nin zii zet ke mwatonzemti matatnup.

## 4

### *Kawawaŋŋ Abalaamgat an tej zeye*

<sup>1</sup> Abalaam ek an nin kabonak ningat yeŋsokŋ. Keyepmti nin Abalaamaŋ mama mimi sepem zibon mama Kawawaŋŋ an tej zeye e enenogat yaŋaŋ zenâ zenâ mne. <sup>2</sup> Abalaam ek zii zet gawepupuŋaŋgapmti tej benak ze egaŋ ŋep ikŋaŋgat kwizet buŋamaŋ mwatnak. Yaŋgut Kawawaŋŋ egaŋ kwitnaŋ kwitnaŋ dolakŋaŋ mge ke ekme betetnaŋ beye kogogapm Abalaamaŋ mampongaŋŋ zigok sonak? <sup>3</sup> Kawawaŋgalen Zet Itnaŋanen zet kapigok zein, “Abalaam ek Kawawaŋ nâmkinpeye keyepmti Kawawaŋŋ egat an tej nâmpeye.” (*Sokbe-mbe 15:6*)

<sup>4</sup> An ñenan̄ mulup mme nin tosañan̄ samti kapigok ñep ku zenzeyelen, “Kapi taolet gayap.” Kegok ku zewanek. Ke mulupmañgat tosañan̄. <sup>5</sup> Am nâmindeme teñ kwakwagalen ke Kawawañan̄ etañ mimiyelen kegogapm an ñenan̄ zii zetgat mulup mimipiñ belak tati Kawawañgat nâmkĩnpewe beme Kawawañan̄ an yomañmak keyet an teñ zewe. <sup>6</sup> Dewilañ zet ñen zenzeñan̄ kangwa bandim mti zeye, “Am zii zet ku mañgawepup yañgut Kawawañ nâmkĩnpeme ekñen keyet an teñ zemti yomin katikpepgapmti am ekñen ke keñin oloñen bewe.” <sup>7</sup> Naman Dewilañ meluwañ pigok kuye,

“Kawawañ, geñ myuñguñguñin makatikpenik ma yomin manzuludik ekñen keyañ keyet nâme oloñen penañ bein. <sup>8</sup> An ñen Amobotnañan̄ nâmpeme yomañmak ku mambein an keyañ oloñen min.” *(Sam 32:1-2)*

<sup>9</sup> Keñ oloñen ke am sekñin butnañ elenğenğenñan̄ ekñengat zapat etañ bein yek. Am sekñin butnañ elenğenğepiñ mimiñan̄ ekñengat zapat kogogak bein. Abalaam eget yañan̄ pigok nânup, ek Kawawañan̄ nâmkĩnpeneñan̄gapmti, “An teñ,” zeye. <sup>10</sup> Kawawañan̄ Abalaamgat, “An teñ,” kuyeen kan egañ sekñan̄ butnañ antimpepepiñ mame kuye. <sup>11</sup> Ek sekñan̄ butnañ ewe antitipiñ mamti Kawawañ nâmkĩnpeme Kawawañan̄ yomañ katipeye kegok mtiñgut bam sekñan̄ butnañ antitiyet zempeye. Âpme Abalaamañ kegok mti am bam nâmkĩnpeme aikti yompiñ mambeip ekñengat ñeñan̄ bem indeye. Am ekñen ke sekñin butnañ anti-

tipiŋaŋgut nâmkijpepeŋingapmti, “An tenj” maip kekok nâmindeye. <sup>12</sup> Mti am piliŋinmak nin Zuda am ningalen ŋeŋaŋ bembe kekokak beye. Yaŋgut piliŋmak etaŋgapmti yek. Abalaam piliŋpiŋ mamti nâmkijpemti keyaŋ ningat set bein ke nin keyegak mâti nâmkijpemti Abalaam egat ŋeŋaŋ bembe an zemann ŋep bembeyelen. <sup>13</sup> Kawawaŋaŋ Abalaam ma iŋsokŋane msat sambeyet toŋaŋ bembeyet zetik mimindeye. Ke zii zet gawepupuŋinaŋgapmti yek. Nâmkijpepeŋinaŋgapmti yomin katikpemti kekok mimindaye. <sup>14</sup> Âpme zetik mimindandaŋaŋ ke nâmkijpeme indandayet zetik mimiŋaŋ wan zii zet maŋgawepup keyet yek. Kogogapm Kawawaŋaŋ kwitnaŋ kwitnaŋ sokbembeyet zapatnaŋ diindoye ke elak penaeŋpiŋ bein, eneyet ku nâmkijpewien. <sup>15</sup> Zii zelaŋ ndamukulem mme zetikgat keyet penaeŋaŋ ku msokbenak. Ziin zelaŋ yomgat dopmaŋ sekŋnanen Kawawaŋgalen ŋenzinziŋ matime mozin; zii zetpiŋ ze nin am zii zet kululu ŋep ku zewanek. <sup>16</sup> Keyepmti kwitnaŋ kwitnaŋgat zetik mimindandaŋaŋ ke nâmkijpepeyepmti penaeŋaŋ Kawawaŋgalen keŋ taolet palen sokbemti Abalaamgalen iŋsokŋane nin sambemagen katikŋaŋ bemti tabe. Am zii zet timaip ekŋenmagen etaŋ yek. Abalaamaŋ nâmkijpepemak set iye keyegak mâti mamnup ninmagen sepem kekokak masokbein. Egaŋ Kawawaŋgat zikatnan ningat yeŋsokŋ bein. <sup>17</sup> Kawawaŋgalen Zet Itnaŋanen zet kapigok kukuŋaŋ,

“Neŋ geŋ am sambe ekŋengat biwin bewanik

zemti zemgewan.” *(Sokbembe 17:5)*

Kawawaŋgat zikatnan am nâmkijpepemak nin Abalaamgat iŋsokŋane benup. Ek am gakikiŋaŋ ŋen mme wasât nâmti ŋep mme wadak. Ma Kawawaŋ wundenŋaŋ kwitnaŋ kwitnaŋ alakŋaŋ ku tatatnanen kwitnaŋ kwitnaŋ ŋep mme sokbenak. <sup>18</sup> Abalaam ek am sambeyet biwin bembeyet Kawawaŋaŋ zeye keyet webemti zet ke penaŋaŋ zigok sokbewe keyet otnâpeŋ mamtan.

“Alikŋaŋdine sambe sokbemâbep,” *(Sokbembe 15:5)*

kapigok penaŋ Kawawaŋaŋ dunduyeyepmti keŋ zut ku mge keyet nâmkijpemti mamantan. <sup>19</sup> Yangut ek nup kanaŋ 100 besât mme nâŋge, “Neŋ ailip. Neŋ nemba ŋep ku msokbembeyelen. Ma Sela ek kegogak imbi ilip penaŋ beye keyepm egaŋ ŋep nemba ku ambebegalen.” Sepem Abalaamaŋ ilidaŋgat kegok ekti keyaŋgut nâmkijpepenaŋ ku katikpemâge. <sup>20</sup> Kawawaŋ zetik mpeye keyet nâme penaŋepiŋ ku beye. Mti nâmkijpepeen katikŋaŋ bem tati Kawawaŋgat nâme mobotnaŋ beme zemesewatsamti zeye, <sup>21</sup> “Kawawaŋ kwileki ŋen mimiyet zetik mamin beme keyet penaŋaŋ masokbein.” <sup>22</sup> Keyepmti Abalaam ek zet keyet nâmkijpemti mamkwage keyepmti Kawawaŋaŋ, “An teŋ,” zempaye. <sup>23</sup> Kawawaŋaŋ nâme an teŋ beye zet ke Abalaamgat etaŋ ku zenzenaŋ. Ningat eyo nâmti zenzenaŋ. <sup>24</sup> Nin Kawawaŋaŋ Amobotnaŋ Zisas gakikiengatnan mme wage ke nâmkijpenup. Kegok mmann Kawawaŋaŋ nin an teŋ nâmdewe. <sup>25</sup> Ningalen yomgapmti

Kawawaŋaŋ nâmindeme Zisasi kume gakiye. Naman nin kwetetepmaŋ bembeyet Kawawaŋaŋ gakikiengatnan mme wage.

## 5

### *Kawawaŋaŋ ningat, “An teŋ,” manzein*

<sup>1</sup> Nin nâmkinjpepenaŋgapmti, “An teŋ” bewen keyepmti nin Zisas Kilaismagen wetekum tati Kawawaŋgalen keŋ sewakŋaŋ keyet kandaŋan mamanup. <sup>2</sup> Zisasiyaŋ ikŋaŋ set kweselem ndeme Kawawaŋgalen keŋ sewakŋaŋ keyet keŋan mebennaŋ mamanup. Mamti Kawawaŋaŋ keŋ taoletnaŋgapmti ningat kwitnaŋ kwitnaŋ ego egomak ikŋaŋmak mamayet nâme wenŋe keyet webemti oloŋen palen mamanup. <sup>3</sup> Yangut ke etaŋ yek. Nin nukŋaŋ palen mama keyet kegogak oloŋen mamnup. Mti pigok manânup nukŋaŋ palen mamti nukŋaŋ ku mann tolep keyaŋ keŋŋ mgwatnaŋ mindeme epum mamayelen winde mandain. <sup>4</sup> Keŋ mgwatnaŋ mindeme epum manupgapmti Kawawaŋaŋ maman ke ekme ŋep beme mulup anaŋ manâmndein. Mti kegok mmann Kawawaŋaŋ ningat kwitnaŋ kwitnaŋ ego egomak ndandayelen keyet webepen tabanup. <sup>5</sup> Nin nâmdelaŋpenuwen ningalen webembenn Kawawaŋmagen tazin ke penanaŋ kapigok: Kawawaŋgalen taolet Emetak Teŋ keŋnanen beme keyaŋ Kawawaŋgalen gogot bemisikndeme mambanup. Keyet webem tapmmann zeye kataŋ mindasâpm. <sup>6</sup> Eweŋan am

nin bekaŋan mti Kawawaŋ bamkumpem mam-benn kan keyet Kilaisiyaŋ nin gilik zemndati-tiyet gakimti am Kawawaŋ bamkumpemti ma-manup nin ndatimâge. <sup>7</sup> An ŋenaŋ an teŋ pe-naŋgat mti gakiki ke ninmagen kwep kwep tazin. <sup>8</sup> Keyaŋgut Kawawaŋ egaŋ nin bekaŋan msamti mamann egaŋ gogot mimndamti zeme Kilaisiyaŋ ningat mundumnan gakiye. <sup>9</sup> Egat sipmaŋgapmti nin kwit animbi teŋ ke tiwen. Keyepmti nin pigok nânup, egaŋ nin aŋgalaŋ ndeme nin Kawawaŋgalen ŋenzinziŋen ku mobanup. <sup>10</sup> Nin Kawawaŋ kasa msamti bamkumpemmanepeman Nemuŋaŋaŋ gakiye keyet pembenŋapmti Kawawaŋmak keŋ kwep bewen. Naman Kilaisiyaŋ alak pigogat ek mama kanzizit mamti ningat Bipmaŋgat mamkandaŋan tati nin am nâmkiŋpepemak yom ku mimiyet tadundum sain. <sup>11</sup> Kogok mge keyepm nin keŋ oloŋen palen mane enenogat nin Kawawaŋgat kasaŋaŋ yek. Nin ek-mak tususu mbenn e Amobotnaŋ Zisas Kilaisiyet gakikiŋaŋgapmti Kawawaŋaŋ kekok minndain.

*Adamaŋ walelet mkotndaye ma Zisasiyaŋ mama mkotndaye*

<sup>12</sup> Keyepmti nin kapigok nâne. Adamgalen yomgapmti am sambe yommak bemann delaŋ zeme gakiki ke ningat zapat bemâge. Eneyet nin Adamgat iŋsokŋaneyepmti kogok sokbem-ndaye. Adamaŋ Kawawaŋgalen zet kulume Kawawaŋaŋ gakiki ekmagen sokbembeyet zeye keyet kataŋ. <sup>13</sup> Zii zet ewe sokbembepiŋ tapme bekaŋaŋaŋ eweŋan sokbemti weŋge. Zii zetpiŋ keyepmti bekaŋgat zem kakaliliyelen set ŋen

ku tage. <sup>14</sup> Âpme gakikiyañ Adam ekmagen yañbemti am sambe zii zetmak mamkwabien ma zii zetpiñ mobotnañ bem indeme mamkwatnepeme Mosesiyañ zii zet tiye. Adamañ bekañañ mme keyañ peuñ pemti am sambe nin ndabuluge sepem kegogak Kilaisiyañ gakimti mama aikndaye keyañ peuñ pemti nin sambe ndabuluge. Neñ ewe an zut kapiyet yañit zigosetgatnañ igak igak bein keyet tusumzesowap.

<sup>15</sup> Adamgalen yomañ am kenjin utukek indeme Kawawañgalen set ku mâbien yañgut Kilaisiyelen zet gaipupuyañ am Kawawañgalen set bemindeme mama aikmâbep. An kwepgalen yomgat am sambe gakiwien yañgut Kawawañgalen keñ taolet eyañ omba penañ am ninmagen lenzim polak polak mimiyet nâmti Zisas Kilais peme toge. <sup>16</sup> Mti kogogak Adamgalen zet kululuyet penañañañ am sambemagen gakiki sokbeye. Zisas Kilaisiyelen zet gaipupuyet penañañañ am sambeyelen yom zem zuluge. Kogok mti nin sambe Kawawañgalen ñenzinziñengatnañ ambulut ndemti an teñ mama kogok zemndeye. <sup>17</sup> An kwewetañgalen zet kululuyepmti gakikiyañ sokbemti am sambe indatiye yañgut Kawawañgalen keñ sewakñañ ma keñ taolet keyet penañañ ningat am teñ kekok zeye. Keyañ gakikiyelen mama mimi ke omba penañ sebempemti tazin. Keyepmti am sambe ekñañañ kapi tiwep beme ekñañañ mama kanzizit oli oliñañmak Zisasmagen metimti mambep ke Zisas Kilais egalen mulup keyet penañañ.

<sup>18</sup> Keyepmti pigok eknup an kwewetañañ zet

kulume am sambe nin teziŋ ɲandaŋgat zapat bemâben. Sepem kekok an kwewetaŋaŋ mama mimi teŋ mme Kawawaŋaŋ am nin ɲep an teŋ kekok zemndeme mama kanzizit matinup. <sup>19</sup> An kwep egalen zet kululuyepmti am sambe bekaŋaŋ bemann delaŋ zemâge. Kegogak an kwepgalen zet gawepupuŋaŋgapmti nin ɲep teŋ bemâbanup. <sup>20</sup> Âpme bam zii zet sokbeme zii zet aŋgososoyelen mama mimiyaŋ omba penaŋ sokbeye. Yomgalen mama mimi temaŋ penaŋ sokbeyeyaŋgut kan keyegak Kawawaŋgalen keŋ taoletnaŋaŋ zii zet aŋgososoyelen mama mimi sebempemti omba penaŋ beye. <sup>21</sup> Zet timtâmti kapigok zenzeyelen, yomaŋ gakikiyelen amobotnaŋ bemti mamain. Sepem kekokak Kawawaŋgalen keŋ taoletnaŋ amobotnaŋ bemti yompiŋ an teŋ bemann egaŋ ndaikti mama kanzizit ndawe. Ke Amobotnaŋ Zisas Kilais gakimeyepmti set kekok ke sokbeye.

## 6

### *Nin Zisasmak temakwep gakiwen*

<sup>1</sup> Am notnaŋaŋ kekok nâmtiyepm kapigok mene manzeip, “Nin yom ewe mti mimiek tapmmann Kawawaŋgalen keŋ taolelaŋ sokbemti temaŋ beme bekaŋaŋgalen mama mimi sebempewe.” Zet kekok ke zewienyaŋgut kekok ɲep ku zenzeyelen. <sup>2-3</sup> Kegok ɲep yek. Nin Zisas Kilais nâmkinaŋpemti tu zulutbenn kan keyet ningalen keŋ itnaŋaŋ yomen ndatimti matowezin ke gakiyenok. Mti mamaen keyaŋ ndatimti Kilaisiyelen gakikiŋaŋmagen temakwep



tusumndeye. Eweŋaŋ yomaŋ ndatimti mme gakikiŋaŋnok mambenn keyepmti nin ewe yomen tusumti mama ke ku mambanup. In zet ke nâip, ma? <sup>4</sup> Nin Kilaismak tusumti tu zulutbenn kan keyet ekmak gakimann sumen ndabewienok. Kegok ke sokbeyeyepmti Kawawaŋ Bipmaŋ winde toŋaŋ egaŋ Zisas am sumengatnan mme wapme mama alakŋaŋ saye kegowak nin ekmak wati mama alakŋaŋ tiwenn. <sup>5</sup> Ke nin ekmak tusumti egaŋ gakiyenok gakiwenn keyepmti egaŋ gakikiengatnaŋ wagenok nin wati egaŋ mama alakŋaŋ tiyenok nin kogogak timti mmamambanup. <sup>6</sup> Nin kapigok nânuwen ningalen keŋ itnaŋaŋ ke Zisasmak tewen kuwien ke keŋ itnaŋaŋ bekaŋaŋgalen winde yek bembeyelen ma bekaŋaŋgalen sisiliŋ mulup ewe ku mimiyet kegowak mge. <sup>7</sup> An Kilais nâmkijpempti ekmak tususu mge egalen keŋ itnaŋaŋ Kilaismak gakiyenok keyepmti yomgalen mama mimiyaŋ ku maatam kitik mamtazin. <sup>8</sup> Nin Kilaismak gakiwenn keyet penaŋaŋ mama mimi alakŋaŋ kapiyegak aikti masâpmnup. Kegok penaŋ sukwep nânup. <sup>9</sup> Nin Kilais egat yaŋaŋ nânuwen ek gakikiengatnan wage yaŋ bam ewe ku gakiwe. Gakiki windenaŋ kume togeyepm gakikiyaŋ egat mobotnaŋ ewe ku mimiyelen. <sup>10</sup> Bekaŋaŋgapmti gakiki kwep Zisasiyaŋ ke gakime delaŋ zeye. Yaŋ alak pi egaŋ mama mimi Kawawaŋaŋ nâmtikŋaŋ mimiyelen ke mamin. <sup>11</sup> Naman in ilinaŋgat kapigok nâpeŋ nâpeŋ mamambep inwan bekaŋaŋ ilak gakimti gaipeme weme pi ilak Zisas Kilaismak tusumti mama mimi Kawawaŋaŋ nâmtikŋaŋ mam ke mpeŋ mpeŋ

mamambep. <sup>12</sup> Keyepmti yomgalen mama mimi keyañ ewe amobotnañ bempti ku indikdamuñ mme keñ itnañgalen tikñañ bekañañ ke ku mâbep. <sup>13</sup> In gakikiengatnañ indame wawatnañgapmti sekñin ewe bekañgalen mama mimien ketalasime sisiliñ mulup ku mbe. Yek. In sekñin Kawawañañ mama mimi nâmtikñañ mamin keyet sisiliñ kuwep mti sekñañañ bekañgat tikñañ manâinen gaipeme weme Kawawañañ teñ mama indandañañ keyet mulupmañ mbep. <sup>14</sup> In zii zet kandañañ mamaipgapmti yek. Kawawañgalen keñ taolet keyet kandañañ mamaip keyepmti bekañañañ amobotnañ ku bemindewe.

*Nin mama mimi teñ keyelen sisiliñ mulup mbanup*

<sup>15</sup> Am notnañañ keñinan kekok nâmti kapigok zeip mene, “Nin Kawawañañgalen keñ taoletgalen kimbatañ keñañ tatnup. Ma naman zii zelañ zemndowe keyet keñañ ku tatnup keyepmti nin bekañañ ewe mti mimiek mbanup.” Kegok zeip yañgut nin kekok ñep ku zenzeyelen. <sup>16</sup> Msalengalen amobotnañ ñeniyet tikñañ nâmti zetnañ gawepumti egalen sisiliñ an bempti mulupmañ mamip. Kogogapmti keñ itnañgalen zet gawepup beme ek sisiliñ kumsamti gaki walelelen melo yañgut keñ alakñañgalen mama mimiyet tikñañañ tazin ke gawepuwanik beme ek sisiliñ kumsamti mama mimi teñ ke titiyelen. In zet ke nâip, ma? <sup>17</sup> In eweñañ bekañgat sisiliñ mulup mkwabien ke ilak delañ zeye. Âpme pi in Kawawañ mâti mamti Zet Zapat Dolakñañ

Penangat kandanjan mepmâbïen. Yan alak pi in zet ke timti mamaip keyepmti nin Kawawanjat wisikn zenup. <sup>18</sup> In mama mimi bekananjalen kimbat kenjan mambïenen kelak Kawawanjan kweselem indeme paselen kwawewetnan. Kogok mti in mama ten keyet sisilin kukuyet an bem indeme mamaip. <sup>19</sup> Kwitnan kwitnan nâmâtâtâgalen naktiknin windenan ewe ku taindain keyepmti zet nen sisilin mulup mimi keyet bem zema nâip. In ewenan selin belin ma seknin ke ketalasime mama mimi mgasik mti zii zet anjosomti yom sepem igak igak keyet sisilin mulup mti kilen penan mamkwabïen. Ya kan pi in selin belin ma seknin ketalasime mama mimi tenjalen ma Kawawanjan mama mimi tiknan nân keyet sisilin mulup mit. <sup>20</sup> Ewenan penan in bekananjalen sisilin mulup mmamkwabïen kan keyet mama mimi tenan ku indatam kitik mti tage. <sup>21</sup> In alak pigogat mama keyet nâmti sakambuk aigip keyepm mama mimi keyet penanan pmbenan yek. Keyet seknan gwaen gakiki aiikgalen etan tazin. <sup>22</sup> Âpme kan pigogat bekananjalen tek ke kwalet topme Kawawanjalen am bemti maip. Mti keyet penanan ken kwetetepman mama ke tiwien yan bam maneti mama kanzizit ke tiwep. <sup>23</sup> Bekananjat tosanjan tezin nandanen mebegalen âpme Kawawanjalen anjalen gogot keyet penanan Amobotnan Zisas Kilaismak tusumti mama kanzizit ke tiwep.

*Zet zemkawan bembeyet zet nen awembiŋgat palen bem zenze zet zein*

<sup>1</sup> Kilaismagen notnne, neŋ zet kapi an zii zet nâmâtâtâtnaŋ ingat nâmti zeyap. In pigok nâip zii zelaŋ am alikmagen mulupmaŋ mam. Ekneŋ gakikiŋaŋmagen yek. <sup>2</sup> Zet zesowap kapi zet zeya kangwayet bem zenzenok zesowap. Imbi neŋ apmaŋ ewe alik tazinen awembiŋ mama keyaŋ apmaŋmak tâm itdeme awembiŋ talup. Gakiki etaŋaŋ awembiŋ mama ke maelaŋgein. Mme imbiyaŋ keyet palaŋaŋ kwileki neŋ msât neŋ minn. <sup>3</sup> Âk imbi ke apmaŋ ewe alik ke mame ek katipemti met an neŋ wabe beme egaŋ awembiŋ mama walepme yomaŋmak bewe. Apmaŋ gakime awembiŋgalen tâtâ ke elenŋewe. Âpme keyet palaŋaŋ an neŋ mewabe beme keyaŋ awembiŋ walepme yomaŋmak bein kegok ku bewe. <sup>4</sup> Keyepmti Kilaismagen notnne, nin be-mzenze keyet yaŋaŋ kapigok nânâyelen, Kilais ek tewen kume gakiye kan keyet nin ekmak temakwep ndome gakiwannok. Mme zii zet keyet windaŋaŋaŋ nin ku ndatam tatagalen. Eneyet zii zet am gakikiŋaŋgalen zapat yek. Nin Zisas Kilais Kawawaŋaŋ gakikiŋatnaŋ mme wage an keyelen zapat. Keyepmti nin zii zetgat kandaŋaŋ ku tatnup; nin Kilaisiyet kandaŋaŋ tati Kawawaŋgalen mama mimi ego egoŋaŋmak ke nin toŋaŋ bemti timamasâpmnup. <sup>5</sup> Nin an sekmak mambennen mama mimi bekaŋaŋgalen kimbalen tabenn kan keyet zii zelaŋ kwitnaŋ kwitnaŋ mgasik mimiyelengat tikŋaŋ nânâ ke mme mamnup keŋ itnaŋaŋ ke tatndaingapmti

yom mamnup. Kogok maminupgalen penanjaŋ gakiki maaikndain. <sup>6</sup> Yanjut nin alak gakimti kwitnaŋ kwitnaŋ mandatamkitik mimitazin ke Kawawaŋaŋaŋ kwelet ndein. Mme Zuda amgalen zii zelaŋ ŋen ewe ku ndatam kitik mti tazin. Keyepmti alak nin mama mimi tapmnup kapi nin Emetak Teŋaŋ ndamukulem mme mama mimi bekaŋaŋ katikpempti Kawawaŋaŋaŋ mama mimi nâmtikŋaŋ mamin ke tapminup.

*Yomaŋ nâlen tususun Kawawaŋaŋaŋ tazin maantiin*

<sup>7</sup> Keyepmti am notnaŋaŋaŋ zet ke nâmti kapigok mene tazeip, “Zii zet bekaŋaŋgat ŋotekŋaŋ.” Kegok zeip keyanjut nin kekok ŋep ku zenzeyelen. Zii zet ku tadak ze neŋ yomgat yaŋaŋ ku weyaŋ nâmatâbak. Zii zelaŋ kapigok mandiindoin,

“Geŋ am ŋengalen kwitnaŋ kwitnaŋ ku kakim tiwanik.”

*(Kisim Bek 20:17)*

Zet ke zii zelen ku tadak ze kwitnaŋ kwitnaŋ kakim titi keyet yaŋaŋ ku nâmbak. <sup>8</sup> Yanjut bekaŋaŋgalen mama mimi ke zii zelaŋ mamaŋ bempeme, zii zelaŋ keŋnanen kwitnaŋ kwitnaŋ kakim titiyet ŋoktik omba penaŋ mamandain. Zii zet ku tadak benagen yom belakŋaŋaŋ ŋenok benak. <sup>9</sup> Neŋ eweŋaŋaŋ zii zetpiŋ nânâpiŋ mambanen dolakŋaŋaŋ penaŋ mam kwaban. Yaŋ bam neŋ zii zetgat yaŋaŋ nâmban kan keyet neŋ kakim titi ewan nâma yom beye. Kogok mme neŋ nâyap Kawawaŋaŋgalen zimasetnan

neŋ a yomtoŋ beyap. <sup>10</sup> Zii zelaŋ neŋ nap-mukulem mneme Kawawaŋmak mamayet zenzenaŋ ewanan zenzenaŋ keyet kataŋ ku mip egaŋ tususunn Kawawaŋmagen tazinen antinep.

<sup>11</sup> Yom mimiyet tikŋaŋaŋ Kawawaŋgalen zii zet myembumti natetineme wa penaŋ zemti yom mamiap. Kegok mme Kawawaŋaŋ zii zetnanen egalen set mâbâgalen zenzenaŋ ke maŋgosoyap.

<sup>12</sup> Keyepmti nin pigok nânup, zii zet ikŋaŋ teŋ penaŋ ma Kawawaŋgalen mama mimi kwep kwep nin mimiyet zein ke esemteŋ ma dolakŋaŋ penaŋ.

<sup>13</sup> Âpme zii zet dolakŋaŋ keyaŋ nâlen Kawawaŋmak tususun ku antineŋge. Kegok yek. Yomgalen mamayaŋ ikŋaŋ nâlen Kawawaŋmagen tususun antim nemti mama mimi bekaŋaŋ ikŋak ikŋak keŋan towege. Keyepmti yomgalen mama mimi keyaŋ zii zet dolakŋaŋ pi mgilik zeme yom bekaŋaŋ penaŋ ke mamsokbemkawaŋ bein. Egaŋ kwitnaŋ kwitnaŋ dolakŋaŋ ke timti gakikiyet zapat neye.

### *Bekanaŋaŋ seŋ sambе sulume delaŋ zeye*

<sup>14</sup> Nin pigok nânup, Kawawaŋ ek zii zet keyet toŋaŋ; yaŋgut neŋ an msalengatnangapmti yomgalen mama mimiyaŋ naopeme tati egalen sisiliŋ mulup mamiyap. <sup>15</sup> Neŋ mama mimin mamiyap keyet yaŋaŋ penaŋ ku manâmâtâlap.

Neŋ kwileki ŋen mimiyelen penaŋ manâyaŋ ke ku mamiap ma kwileki ŋen maektalalap ke naman mamiyap. <sup>16</sup> Mti mama mimi mgasik penaŋ manzeap ke mamiap. Kogok mti zii zelaŋ mama mimi ku mimiyet zenzenaŋ ke kuluyayet

ɲoktikɲnan gwaenen nâyaen zii zet esemtenɲ elak  
 ku mâti miya. <sup>17</sup> Keyepmti neɲ myuɲɲuɲgu  
 mimiyelen tikɲaɲ ku nâyap keyaɲgut myuɲɲuɲgu  
 ke mamiyap. Kegok miawen ke nâgât keɲnanen  
 bekaɲaɲ mimiyet tikɲaɲ ewe tatnain keyaɲ  
 keɲɲ tikok mpeme bekaɲaɲ mamiyap. <sup>18</sup> Neɲ  
 pigok nâmâtâlap, nâgât keɲnanen baen kwileki  
 dolakɲaɲ ɲen ku tazin penaɲ. Neɲ kwitnaɲ  
 kwitnaɲ dolakɲaɲ mimiyelen manembein ke ku  
 mamiyap. <sup>19</sup> Kwitnaɲ kwitnaɲ dolakɲaɲ msâgât  
 penaɲ mamiyap ke ku mamiyap. Ma kwitnaɲ  
 kwitnaɲ bekaɲaɲ ku msât zemtiɲgut naman ke  
 mamiyap. <sup>20</sup> Bekanaɲ ku msât zempemtiɲgut  
 mamiyap keyet yaɲaɲ kapigok. Ke nen mimiyet  
 penaɲ nâmti bekaɲaɲ ke ku mamiyap. Yomgalen  
 mama mimi keɲɲnan tazin keyaɲ tikok mneme  
 mamiyap. <sup>21</sup> Keyepmti neɲmagen mama mimi  
 kapigok masokbein elak nâmâtâlap. Neɲ mama  
 mimi dolakɲaɲ msât manâyap yaɲgut mama  
 mimi bekaɲaɲaɲ neɲ napaɲpaɲ mti mamtazin.  
<sup>22</sup> Penaɲ keɲnan baen Kawawaɲgalen zii zet  
 keyet nâma tikɲaɲ penaɲ mambein <sup>23</sup> yaɲgut  
 yomgalen winde sekɲ sambe suluɲti matazin.  
 Kemak Kawawaɲgalen zii zetmak notn notn ku  
 mti an âmalu manâyap. Mti bekaɲaɲgalen winde  
 sekɲ sambe suluɲti matazin keyaɲ naɲgalaɲme  
 egalen mka katikɲan matalap. <sup>24</sup> Neɲ an kembeɲ  
 penaɲ. Kwiyaɲ sekɲ gakikiyelen zapat kem-  
 beɲaɲ keyetnan gilik zemnapbe? <sup>25</sup> Amobotnaɲ  
 Zisas Kilais etaɲ sekɲ gakikiyelen zapalengatnan  
 kwaletneyepmti keyet Kawawaɲgat sesewat-  
 sayap. Nenn keɲɲnaɲ penaɲ Kawawaɲgalen

zii zetnaŋ gawepumti sisiliŋ mulup mamsayap yaŋgut keŋ itnaŋaŋaŋ bekaŋaŋalen winde ke gawepumti sisiliŋ mulup mamsain.

## 8

### *Kilaisiyaŋ yomengatnaŋ gilik zemndatimti Emetak Teŋ ndaye*

<sup>1-2</sup> Emetak Teŋaŋ Zisas Kilaisiyaŋ ningat yomgat gakimti mama alakŋaŋ aikndaye ke windenaŋmak beme keŋ itnaŋaŋmak gakiki ninmagen ku kwakwagalen mulupmaŋ mam. Kilais Zisasiyaŋ yomgat dopmaŋ ke gakikiŋaŋaŋ mutumti nin ekmak tusumndeyepmti Kawawaŋaŋ nin ndikti zein, “In an ku zemindowan ma teziŋ ŋandaŋgat zapat ku mambeŋ.” <sup>3</sup> Zii zet ke keŋ itnaŋaŋ keyaŋ windenaŋ mtopeme ninmagen mulup msâgât penaŋ olage. Zii zelaŋ nin ŋep ku ndamukulem mgeyaŋgut Kawawaŋaŋ nin ndamukulem msâgât set ŋen ewe aikge. Iknâŋgat Nemuŋaŋ penaŋ ke zempeme am bekaŋaŋ mimi ningalen sek sindem timti bekaŋaŋgat dopmaŋ gakiye. <sup>4</sup> Kogok mgeyepm nin keŋ itnaŋaŋgaleŋ mama mimieset mebegalen yek. Set alakŋaŋ Emetak Teŋgaleŋ set mâti zii zet gawepumti mama mimi teŋ Kawawaŋaŋ nâmtikŋaŋ mnen ke Emetak Teŋaŋ keŋnan mulup mme Kawawaŋgaleŋ zii zet kegaset mamâtnup. <sup>5</sup> Mama mimi itnaŋaŋgaleŋ seleset mamaip ekŋengat ŋoktikŋin temaŋ ma mama mimiŋin keŋ itnaŋaŋgaleŋ mama mâti sekŋinaŋgat tikŋaŋ tazin ke etaŋ mamip. Ma Emetak Teŋgaleŋ seleset mamaip ekŋen keŋin



otnânânjin ma mama mimiñinan Kawawañan ekñenan mama mimiyelel nâmtikñan minen ke mamip. <sup>6-7</sup> Emetak Tenğalen mama mimi ke mâti minuwen Kawawañmagengatnañ keñ sewakñan ma mama kanzizit ke maaikndain. Naman nembet kogogak keñ itnañanğalen mama mimiyelele maotnâip keyan Kawawañ kasa msamti Kawawañmagen tususunn tazin ke maelenğein. Mme Kawawañğalen zii zet ku mamâlip. Eneyet ekñenmagen winde kebon ke ñen ku tat indain. <sup>8</sup> Am keñ itnañanğalen seleset mamaip ekñenan Kawawañan mama mimi mimiyelele manân ke ñep ku mimiyelele. <sup>9</sup> Yanğut nin keñ itnañanğalen mama mimiyan ku ndadamuñ mme tatnup. Nin Emetak Tenğalen kogogapmti Emetak Tenan ndadamuñ mti ndap mme Kilais egalen zapat bemti Kilaisiyelen Emetak Tenan ningat keññnan matazin. An ñen Kilaisiyelen Emetak Tenpiñ main beme ek Kilaisiyelen zapat ku main. <sup>10</sup> Kogogapmti Kilais keññnan tazinanğut sekeñ yom toñan kapi penan gakiwe. Mme nan nâmmamanan Kilaismak mama kanzizit ke mepmambe, eneyet Kawawañan Kilaisiyet pembenanğat mti nin an ten manzein keyet penan. <sup>11</sup> Âpme Kawawañ Zisas Kilais gakikiengatnan mme wage. Egan kogogak in gakikiengatnañ mme wabep. Enenogat Emetak Tenan keñinan bem indeyeyepmti egat Emetak Tenan am in gakikiñan ke kekok mme wabep.

*Emetak Tenan mme Kawawañğalen nemunam-  
banane mambanup*

12 Keyepmti notnne, nin mama mimi itnanaŋgalen set ku mâbâgalen. 13 In mama mimi itnanaŋanen mâti mambep beme in walelet aikbep. Ma in Emetak Teŋgalen mama mimi dolakŋaŋ mâti mambep beme keŋ itnanaŋgalen mama mimi mgasik ke kume gakiwe. In mama mimi katikŋaŋ ke timti kwesiŋ mamti mambep. 14 Am ekŋen Kawawaŋgalen Emetak Teŋaŋ mama mimi dolakŋaŋ zeinen mâti mamip ekŋen ke Kawawaŋgat nemunambaŋane. 15 Nin Kawawaŋgat nemunambaŋane ma egalen Emetak Teŋaŋ ninmagen tazin keyepmti nin keŋ itnanaŋ sisiliŋ ku kumsasayelen ma Kawawaŋgat ku kiŋgagagalen. Nin “Kawawaŋgat Bipm,” kumti ekmagen nâmtalati mebegalen. 16 Nin Kawawaŋgat nemunambaŋane mamauŋ keŋ keyet nânâyet Emetak Teŋaŋ keŋnanen baenen zemkawaŋ mambemndein. 17 Nemunambaŋane mamauwaŋ bam Kawawaŋgalen kwitnaŋ kwitnaŋ ke Kilaismak ninmak temakwep toŋaŋ bemi tiwanup. Ewan msalen pienen egaŋ sindem tiye keboŋagak nin sindem tiwanup ke epum timaneti Kawawaŋgalen mama ego egoŋaŋmak main ke nin keyegak mopmambanup.

*Bam nin mama ego egoŋaŋmak mambanup*

18 Bamgat nin mama ego egoŋaŋmak Kawawaŋ ikŋaŋmak mambanup kemak alak msalen kapi mamti sek sindem tatinup eget ke sepem kwep yek. Bamgat mama tiwanup keyaŋ sebempenti mobotnaŋ penaŋ bein. 19 Keyepmti

kwitnaŋ kwitnaŋ sambe Kawawaŋaŋ zeme sokbembenŋ ekŋengat webebenjin temaŋ penaŋ tatindainen ekŋen kan deyet nin Kawawaŋgat nemunambaŋaŋ mama ego egoŋaŋmak Kawawaŋ ikŋaŋmak mama ke ninmagen sokbembeyet nâpeŋ nâpeŋ talip.

<sup>20</sup> Kwitnaŋ kwitnaŋ sambe masambuin ma bekaŋaŋ mambemâzin ke ilinaŋgat yomgat mti kekok ku masokbemindain. Kawawaŋaŋ ikŋaŋ kekok sokbembeyet zempeye. Enenogat yomaŋ sokbeme keyepmti kekok mge. Yaŋgut ekŋen sindemen kwesiŋ kekok tatagat ku nâmindendeŋaŋ.

<sup>21</sup> Kwitnaŋ kwitnaŋ sambe Kawawaŋaŋ mge ekŋenaŋ kekokgak gakim walet mamip. Ke katikpemti nin Kawawaŋgat nemunambaŋane mama ego egoŋaŋmak Kawawaŋ ikŋaŋmak tabanup keyen kotusumti mamayet webemtalip.

<sup>22</sup> Nin nânup kwitnaŋ kwitnaŋ Kawawaŋaŋ mme sokbewien ekŋenaŋ kemberŋ palen mamti sek sindem temaŋ penaŋ imbiyaŋ nempa ambesâti manâip sepem kekok tatnâip.

<sup>23</sup> Yaŋgut kwitnaŋ kwitnaŋ sambe Kawawaŋaŋ mge ekŋenaŋ etaŋ kekok ku mamip. Nin Kawawaŋaŋ Emetak Teŋ ndandaŋaŋ keŋŋnaŋ tazin keyaŋ bangat Kawawaŋaŋ ikŋaŋmak mamayet zeye keyet wembekat alaŋnok ndaye. Nin nemunambaŋane mamanup nin kogogak sek sindem timambe webe webe palen tapmanuwen wan kan keyet Kawawaŋaŋ ningat sosok zemkawaŋ bemndemti, “nemunambaŋane,” zewe keyet damuŋ mti tatnup. Mti kan keyet sekŋ gakikiyelen kapi mme alakŋaŋ

ku gakikiyelen ke ndawe. <sup>24</sup> Kawawaŋaŋ seŋ alakŋaŋ ku gakikiyelen ndasâgât zetik mge ma nemunambaŋane kwakwagat zetik mge ke alak kapigogat sosok ku mindame eknup yaŋgut ekŋen ke penaŋ enzililiŋaŋ tazin keyepmti nin ke titiyet nâmkĩŋpemti webe webe palen mane eneyet kan denen ke ndandayet zeye e ewe tazin kegogapmti ku ekti yaŋgut nâmkĩŋpepen giŋgiŋ mti mamanup. <sup>25</sup> Penaŋaŋ sosok penaŋ ku masokbein yaŋgut nin ewe webepen mamambanup.

<sup>26</sup> Ningalen webembe keyet mukulem mimiŋaŋen Emetak Teŋ Kawawaŋ ndaye keyet keŋnaŋ tazin egaŋ ningalen nukŋaŋ keyet mukulem mimiyet ninmak keŋ sindem kwep nâmti egaŋ Kawawaŋgat nin giŋgiŋ nâmkĩŋpem tatagat Kawawaŋ windenŋaŋben mandundum sain. <sup>27</sup> Emetak Teŋ ek Kilaisiyelen am maŋge ekŋengalen nukŋaŋin nâmtazin ma Kawawaŋaŋ ekŋengat zigok mimindandayelen kogogak nâmtazin keyepmti keyet katnaŋ Kawawaŋaŋ indamukulem mimiyet mandunduin. Mme Kawawaŋ ek am keŋinaŋgat yaŋaŋ maekzinaŋ Emetak Teŋgalen dundundu ke manâin. <sup>28</sup> Nin nâmtatnup am Kawawaŋ gogot mamsaip ma amŋene ikŋaŋgat zapat mamayet nâmbiliwet indendenŋaŋ ekŋenmagen nukŋaŋ sokbein beme Kawawaŋaŋ nukŋaŋ keyet keŋan mulup mme nukŋaŋ keyaŋ zigoset amŋene kemagen pembenŋaŋ sokbembeyelen mulupmaŋ mam. <sup>29</sup> Nin nânpup itnaŋaŋ Kawawaŋaŋ am Nemuŋaŋ Zisas nâmkĩŋpewep ekŋen ke ombemindeme

ikñangət beip. Mti am ekñen ke mme ikñangət Nemunəñəñ mama mimi mge keyet katanə mamip. Kogok mamip egañ dalin teməñ beme ekñenəñ ipmeninəne bemti mamambep. <sup>30</sup> Kawawañ ek am ikñangət bembeyet ñenəñ nâmindemti ikñangək mamayət kumindatetime kobien. Egañ am ekñen keyet zeya, “In an teñ,” zemindemti sekñin alakñəñ gakikiyañ ku mme waleletgalen ego egañangək keyəñ elimiak indewe.

*Kawawañgalen angalañ gogot ninmagen deləñ zenzenəñpiñ wemti wembe*

<sup>31</sup> Zet zeya keyet penəñəñ ilak zet kapiyañ mamanənok besâpm. Kawawañəñ ninmageset tazin keyepmti an ñenəñ ningət tususu ekmagen tazin ke ku eleñgem ndendeyelen. <sup>32</sup> Kawawañəñ ikñangət Nemunəñ ningət ketalasim ndaye. Kogogañ egat tusumti kwitnañ kwitnañ dolakñəñ ningət maman mukulem mimiyelen ke eyo ndawe. <sup>33</sup> Kawawañəñ nin ikñangət bembeyet nâmti kumndatimti ikñangək ke an teñ manzemndein keyepm nin Kawawañgat zikatnan zelen ku tatagalen. <sup>34</sup> Kilais Zisasiyañ ningət gakiye keyepmti an ñenəñ Kawawañmagen nin an bekañəñ ñep ku zemti zemndondoyelen. Kilais ek gakikiengatan wəgeyañ alak pigogat kwizet buñamñangək Kawawañgat betnañ penaset tati nin ndamukulem mimiyet mandunduin. <sup>35</sup> Kawawañgalen gogot Kilaisiyañ ningət mti msokbeye keyet keñan tapmann kwitnañ kwitnañ ñenəñ ñep ku ndamenzemndabe:

Nukɲaɲ ikɲak ikɲak msalen nin mtotndendeyelen tazin keyaɲ

ma sekɲ sindemaɲ keɲ nukɲaɲ palen mamayaɲ matim kozin keyaɲ

ma nâmkɲɲepennaɲgapm sisipenɲen mindanda keyaɲ

ma meuyet kamberɲ palen mama keyaɲ

ma olat olat palen mama keyaɲ

ma kwileki bekanɲ ɲenaɲ ndawaletsâgât mbeyaɲ

ma an ɲenaɲ ndome gakiwanup keyaɲ

ma kwitnaɲ kwitnaɲ ekɲen keboɲaɲ Kilaisiyelen gogolen ɲep ku ndamenzemndabe.

<sup>36</sup> Kawawaɲgalen Zet Zapat Itnaɲanen zet ɲen pigok zein keyet katanɲ kwitnaɲ kwitnaɲ masokbemndain.

“Nin gâlengapmti kan katanɲ omba penɲ mandawalet kwalip. Ekɲenaɲ nin ndikme sip-sip maindoip keboɲ beme mandawalelip.”

*(Sam 44:22)*

<sup>37</sup> Yaɲgut kwitnaɲ kwitnaɲ keboɲaɲ Kilaisiyelen gogolen ɲep ku menzemndenak. Nin Zisas ikɲaɲmak tatnup kegapm kwitnaɲ kwitnaɲ keboɲaɲ mtot ndesâgât mnaɲgut ikɲaɲ ndamukulem mme windember� tati nukɲaɲ ekɲen keyelen windenɲin kumann topme nin windennberɲ matatnup. <sup>38-39</sup> Keyepmti ɲen kapigok nâmkatikpeyaɲ, mama ma winde notnaɲ kapi kusowap ekɲenaɲ Kilaisiyelen gogolen ɲep ku menzem ndadagalen.

Gakiki keyaɲ  
ma mama alak talap kapiyelen nukɲaɲ notnaɲ keyaɲ

Gakiki keyaɲ

ma mama alak talap kapiyelen nukɲaɲ notnaɲ keyaɲ

ma ensel windenjanben njenan nep ku menzem  
 ndadagalen  
 ma we nombeyan nin mtot ndesât mamip ekjen  
 kegogak  
 ma kwitnan kwitnan notnan alak tapminup  
 kapiyan  
 ma bam kwitnan kwitnan ninmagen sokbewe  
 keyan  
 ma kwitnan kwitnan windenjanben nin  
 ndawaleletgalen talip zeip keyan  
 ma mundum gwaenen nen mot enzililiyelen  
 nânik keyet  
 ma mundum nen msat kenan towet enzililiyelen  
 nânik keyan  
 ma kwitnan kwitnan Kawawanjan msokbeye  
 keyan Kawawanjalan anjalan gogotnanjan  
 njen ku menzem ndadagalen. Kawawanjan  
 anjalan gogotnan keyet penanan Amobotnanjan  
 Kilais Zisas ikjanjan Nemunan nâmpeme ningat  
 mti gakiye.

## 9

### *Pâlan Zuda am notnane indikti ekjanjan kemberen mimindeye*

<sup>1</sup> Emetak Tenan kenanan zet zesowap kapiyet  
 mopmanbemti mkawan beme nâmti ingat keye-  
 gak zemkawan bemindasowap. Nejan Kilaisiyelen  
 an keyepm zet zesowap kapi dâsuki yek; penan  
 sukwap. <sup>2</sup> Kilaismagen notnne, ingat kemberen  
 teman penan mti kan katan kenan sindem pe-  
 nan mambein. <sup>3</sup> Zuda am notnne sip kwep  
 ekjanjan Kilais nâmkijpepeyelen nâmti keyet

sepalonŋaŋ nâgât palen Kawawaŋaŋ nukŋaŋ ŋen nanak mme keyet palengatnaŋ indamandame kosâgât nânak beme kegok ŋep mnanak. <sup>4</sup> Nin Israeġ am maŋge Kawawaŋaŋ ikŋaŋ nemunambaŋane ndatimti ikŋaŋgalen busatnaŋ sanġe soŋgaŋaŋmak yeŋsokŋne kemak ndat kopme ekbien. Mti Kawawaŋaŋ ekŋenmak zet zemtâtâyet nâmti zii zetnaŋ indame ekŋenaŋ ek etaŋ sese-watpepeyet zemindemti ekŋen indamukulem mimiyeŋ ikŋaŋgalen buŋam zet zetik mimindame mmambien. <sup>5</sup> Ningat yeŋ sokŋine baenen mamkwabienen Kawawaŋgalen am maŋge katikŋaŋen ma ekŋen ke ningat yeŋsokŋne mamkwapme Zisas Kilais sokbeye ek ningalen sip butnaŋ. Yaŋ ke etaŋ yek. Ek kogogak Kawawaŋgat nemuŋaŋ kwitnaŋ kwitnaŋ sambe keyet amobotnaŋin tazin keyet nin Kawawaŋgat kwizet buŋamaŋ mwati kan katan masesewatpemamambanup. Ke penaŋ.

<sup>6</sup> Zuda am notnaŋ ekŋenaŋ Kilais ku nâmkŋiŋpeipgapmti kapigok ŋep ku zewiek, “Kawawaŋ Abalaamak zetik mge ke penaŋepiŋ beye.”

Kegok ku zenzeyelen. Eneyet Israeġ an penaŋ mama ke ekŋengalen siwenn sokbembe ke yek. Am Kawawaŋ nâmkŋiŋpeip ekŋenaŋ Israeġ maŋge penaŋ beip. <sup>7</sup> Abalaamgalen sip butnaŋ sambe yaŋgut ekŋen sambe keyaŋ Kawawaŋgalen zetik Abalaam mpeye keyet toŋaŋ ku bemâpbien. Am Kawawaŋaŋ zetik keyet toŋaŋ bembeyet ombemindeye ekŋen keyaŋ etaŋ Abalaamgat sipmaŋ butnaŋ bewien, “Aisakgalen nembayaŋ gâgât sokdine penaŋ bewep.” <sup>8</sup> Zet zeya keyet yaŋaŋ



kapigok, nempa Abalaamgat insokeane zeip eknen ilindin Kawawaŋalen am ku beip. Nempa Kawawaŋan Abalaamgat nempaane bembeyet zetik mti ombemideye eknen keyan Abalaamgat insokeane penaŋ beip. Zetik penaŋan nembandi an Selamagen sokbemgawe kemagen sokbewe Ismael imbindaŋalen sisilin imbi keyelen nempa yek. <sup>9</sup> Zetik kapigok mŋaŋaŋan,

“Nup kan sakanŋ kangwayet eyoŋga sepem kwep kapigok neŋ koti Sela imbindi m elen belan mpema nempa kambakmak tabe ke nempa an sokbemgawe.” *(Sokbembe 18:10)*

<sup>10</sup> Zet tusumti ewe kapigok zewi. Sip kwep ilinmagen muluwan mamananan ŋen kapigok sokbeme Kawawaŋalen zetik penaŋanmak beye. Lebekamagen sepem kapigok sokbeye. Egan yeŋsokjin Aisakmak mamti nempa pepet sokbewun. <sup>11-12</sup> Ape nempa zut keyan ewe ku sokbemti bekanan ma pembenan keyet yanŋan nanapin tapmalu Kawawaŋan mamidaŋgat kapigok zeye, “Datnanan meniŋgat sisilin mulup mbe.”

*(Sokbembe 25:23)*

Kawawaŋan ikeŋan zetnan katikeŋan bembeyet nanŋe keyet katan nempa kwep ombempeyeŋan ikeŋaŋalen zet ke penaŋanmak bembeyet kekok mge. Nempa ikeŋaŋgat pembenanŋat yek.

<sup>13</sup> Kawawaŋalen Zet Itnananen zet keyet kapigok zenzeŋan,

“Neŋ Zekop namtikŋan mti ombempewan. Ape Isâ yek.” *(Malakai 1:2-3)*

<sup>14</sup> Am notnanan zet ke namti kapigok mene zewiek, “Kawawaŋan egatmagen mulup teŋ pe-

naŋ ku mge.” Zet kekok ŋep ku zenzeyelen.

<sup>15</sup> Kawawaŋaŋ Mosesiyet zet pigok dunduye,

“Neŋ an ŋen aŋgalaŋ gogot mpesâgât nâmti ŋep aŋgalaŋ gogot mpewap. Ma ŋen keŋ taolet msasâti ŋep msawap.” *(Kisim Bek 33:19)*

<sup>16</sup> Keyepmti amgat windenŋin ma ekŋengat mama mimiŋ dolakŋaŋ mme keyepm Kawawaŋgat keŋaŋ ekŋengat beme ku mam. Kawawaŋ am ikŋaŋgat bembeyet maombemendein ke aŋgalaŋ gogot nânâŋak mam. <sup>17</sup> Kawawaŋgalen Zet Itanaŋanen Kawawaŋaŋ Palaoyet zet pigok dunduye,

“Neŋ geŋmagen kwitnaŋ kwitnaŋ mgawap keyaŋ nâlen winde msokbeme kwizet buŋamnaŋ msat kataŋ mebet kopme nâmbep.” *(Kisim Bek 9:16)*

<sup>18</sup> Keyepmti Kawawaŋgat yaŋaŋ kapigok nânup, “Ek an ŋen aŋgalaŋ gogot mpepeyet nâmti ŋep aŋgalaŋ gogot mpein. Ma ŋen zetnaŋ ku nâme ikŋaŋgalen keŋ ke mâti nâmpeme keŋin katikŋaŋ beme mamaip.”

<sup>19</sup> Geŋ nâgât zet zeya kangwayet kapigok mene yaŋkweziwek, “Kawawaŋaŋ nâmneme keŋ katik mmaya keyet naman kwilekiyet Kawawaŋaŋ mama keyet zem nonoyelen? Egaŋ nâmneme keŋ katik mmaya, e?” <sup>20</sup> Amnaŋ kwilekidangaŋat Kawawaŋgat zetnaŋgat zet mobotnaŋ msanti zewanik? Menzimaŋ zigoset an weyaŋge egat pigok zewe. “Geŋ zigogapm sepem kabon kapi naweyaŋbanan?” <sup>21</sup> Neŋ zet zesowap kapiyet in neŋmak keŋ kwep beseip e nâyap. An menzim tosi weyaŋaŋ egaŋ ampambet sakam kwep mti

menzim ñen weyañsât nâin beme egañ menzim zibonñ ma zibonñ weyañsât nâp ke weyañep. Menzim tosi mobotnañ ñen weyañep ma menzim ñen kan katanñ meu timbumbuyelen weyañep ilak an weyañep egat betnan tazin. <sup>22-23</sup> Neñ bemzenze zet an menzim maweyañzingat palen bemzeya e nin Kawawañañ ammagen mulupmañ mam keyet yañañ nânâyet nâmti zeya. An menzim weyañañ ikañgat keñgat nânâñak menzim zibonñ ma zibonñ weyañzin keyet katanñ Kawawañañ ikañgat keñgalak Zuda am ma am Zuda mañgeen ku sokbembenañ nânâñak kwitnañ ñen mimindasâgât mamindan. Kawawañañ Zuda am ekñengat nâmti kan teepmañ indame ekñenañ yom mti Kawawañañgat ku otnâme keyañ Kawawañañ am Zuda mañge ku sokbembenañ egalen ñenzinziñ ke eekgalen nâmti Zuda am ketalat indeme walelet aiikgalen nâñge. Mti naman am mañge ñen ekñenmagen Kawawañañ muluwañ mamananañ sepem ikañak notnañ mgeen ke añañgalañ gogotnañ beke eekgalen mge. Ekñen kekok mimindayeen ekñenañ Kawawañmak mama ego egoñañmak Kawawañ ikañmak mamayet nâñge ke eweñan baen nâmbiliwapme weñge. <sup>24</sup> Kogogapmti Zuda am nin etañ Kawawañañ añañgalañ gogotnañ mamayet ku ombemndeyet am Zuda mañgeen ku sokbembenañ ekñen kogogak egalen añañgalañ gogolen mamayet ombemindeye. <sup>25</sup> Keyet golañ zenze an Osiayañ Kawawañgalañ zet ñen kapigok zeye,  
 “Am mañge ku indatiwen ekñen nâlen am mañge

kegok zemindeyap. Ma am manje ke neŋ gogot ku mimindawan ekŋen ke neŋ gogot mimindamti, ‘Nembanne,’ zewap.” (*Hosea 2:23*)

26 Ma Kawawaŋaŋ kogogak Osiayet zet ŋen kapigok zeye,

“In nâlen am yek zenzeŋaŋaŋgut in am msat kainde mamaip in amnaŋ, ‘Kawawaŋgat nemunambannane,’ zemindewep.” (*Hosea 1:10*)

27 Mti Aizaya egaŋ Israeŋ ekŋengat yayaŋ mti kapigok zeye,

“Israeŋ egalen alikŋane tu ganzenan nelum gambibik tazin keyet kataŋ sokbesâgât nâmti ŋep sokbewewaŋgut Kawawaŋaŋ keyet keŋanen manje isikŋaŋ bugan indatiwe. 28 Amobotnaŋgalen bimbim zetnaŋaŋ penaŋaŋ msalen muwaŋ memendepmak mme penaŋaŋmak bemâpbe.” (*Aizaya 10:22-23*)

29 Aizayaŋaŋ itnaŋaŋ zet ŋen kapigok zeye,

“Kululuŋengalen an kasa kuku manje temaŋ ekŋengalen Amobotnaŋaŋ ninmagengatnaŋ am notnaŋ ŋen ku katikindeme tabiek ze Sodom ma Gomola mkaengatnaŋ am egegalen sepem penaŋ bewenek.” (*Aizaya 1:9*)

*Israeŋ am ekŋenaŋ mama mimi teŋ penaŋ mamayet olapme beeye*

30 Keyepmti nen zet kapigok zemdelaŋ zesowap, am Zuda manjeen ku sokbemberaŋ ekŋenaŋ kopa mame Kawawaŋgalen zelaŋ

koindaikme keŋ gilik zenze sakwep aikbien eneyet yominanŋat ekme nukŋaŋ beme Kawawaŋmagen nâmkijpemti Zisas Kilais ek ekŋengat mti gakiye e nâmkijpewien. <sup>31</sup> Âpme Israeŋ am ekŋenaŋ Kawawaŋaŋ indikme an teŋ kwakwatgalen setnaŋ zii zet etaŋ gawepumti mama manâmtemienanŋut Kawawaŋaŋ an ŋenaŋ set kegoset mamamti egalen am ku bembeyelen zeye. <sup>32</sup> Ke yaŋaŋ kwilekiyet kekok mbien? Ekŋenaŋ nâmkijpepeŋin Zisasmagen ku bemti zii zet etaŋ gawepumti an teŋ kwabanup manâmtemien. Mti nanaŋ selen tazin ekŋenaŋ ekti sebempemti mebegalen Kawawaŋaŋ peme koti ekŋengat yomgat gakiye ke ku nâmkijpemti Kilaisiyaŋ ekŋengalen nanaŋ selen ulugaluk tapme ku nâmkijpepgapmti ime uluk zeme topmaindon. <sup>33</sup> Kawawaŋgalen Zet Itnaŋane piŋok zein,

“Nâip, neŋ Saion Kalaŋaŋ nanaŋ ulugaluk ke am ime uluk peme indawaleletgalen katanâmti beyap. Âpme an ŋenaŋ Zisas nanaŋ ulugaluk nembon ke nâmkijpewe an ke Zisasiyaŋ ku bankumpewe.” (*Aizaya 8:14; 28:16*)

## 10

*Israeŋ am ekŋenaŋ Kawawaŋgalen mama mimi teŋ penaŋ ke ku tiwien*

<sup>1</sup> Kilaismagen notnne, neŋ Kawawaŋaŋ Israeŋ amŋane ewe keŋin gilik zeme indatitiyet kemben nâmti kan katan Kawawaŋgat mandundum sayap. <sup>2</sup> Ekŋenaŋ Kawawaŋ sisiliŋ

msasayet winderin tazin ke maindikgapgapmti kekok zeyap, yangut eknenan Kawawanan ekman gen kokogat set nange ke ku mamalip. <sup>3</sup> Eknenan Kawawanmagen meti yompin bembe keyet setnan makandalip. Keyepmti ilinagak dolaknan bembeyet mulupman mti eknenan Kawawan am indamukulem mme ten makwalip an ke mabamkumpeip. <sup>4</sup> Kilais egan zii zet amnan zii zet gawepumti ten kwabanup namti mulup mamip keyet naktik kume totogat koge. Kekok mti am indamukulem mme Kawawan namkinpemtian ten kwakwagalen setnan beye.

*Kawawanan am sambe gilik zemndatitiyet manain*

<sup>5</sup> Zii zet gawepumti mama keyet Moses egan zet pigok kuye,

“An nen zii zetgalen set mapme delan zenak beme egan mama kanzizit keeset tinak.” (*Wok Pris 18:5*)

<sup>6</sup> Ma Mosesiyan zet nen amnan namkinpemtian ten bembeyelen keyet zet pigok zeye,

“An nenan kululun ku moti Kilais wat topme amnan ten bembeyelen zetnan diindondoyelen mowatobe.”

<sup>7</sup> Ma am nenan Kilais gakikiengatnan towakwapme amnan ten bembeyelen keyet zetnan diindowe,

“Kogok ku mimiyelen enenogat Kilais ilak kululunengatnan toti gakimti wage.”

<sup>8</sup> Keyepmti Kawawan galen Zet Itnananen meluwan kapigok kukunan tazin,

“Kawawaŋaŋ am mme teŋ bembeyelen keyet buŋam zapatnaŋ enzililiŋaŋ yek; sokŋaŋ tazin. Ke zikalinan mama kuip mti keŋinan ke nâmkĩŋpepeyelen ma dembusekŋinan zet keyet zenâ zenâ tuŋguwinan mimiye-len.” *(Zii Zet 30:11-14)*

Ke zet nin nâmkĩŋpepeen timet ndendeyelen zet. <sup>9</sup> Keyepmti zet zenzeŋinan, “Zisas ek Amobotnaŋ,” ke zemkawaŋ bewep. Ma Kawawaŋaŋ Zisas mme wage keyelen zet keŋinan nâmkĩŋpemeŋgut Kawawaŋaŋ ingat, “An teŋ,” zemindemti mme ikŋaŋgat nembraŋaŋ bewep. <sup>10</sup> Keŋin penaŋaŋ Zisas nâmkĩŋpewewen an teŋ bewep. Ma dembusekŋinan Zisas Kawawaŋaŋ An in mukulem mimiyeŋt peme toti indage kogok zemkawaŋ bewewen in an teŋ talip bein. <sup>11</sup> Keyepmti Kawawaŋgalen Zet Itnaŋanen kapigok meluwaŋ kukuŋaŋ,

“An Zisas nâmkĩŋpewe an ke Zisasiŋaŋ ku bankumpewe.” *(Aizaya 28:16)*

<sup>12</sup> Kogogapm am sambe nin zet keyet kandaŋan tapmann delaŋ zein. Zuda am ma Glik am ekŋen sepem igak igak penaŋ ku beip. Zisas kwep etaŋaŋ ningat Amobotnaŋ temakwep mamandain. Mti am ŋenaŋ egaŋ mukulem mimindendeyelen nâmti mandundum saip ekŋen taolet mamindain. <sup>13</sup> Zet ke Kawawaŋgalen Zet Itnaŋaŋaŋ bandim mti pigok zenzeŋaŋ,

“Am ŋenaŋ Amobotnaŋaŋaŋ yomaŋ katikpepeyelen dundum sawe beme an ke yomaŋ katikpewe.” *(Zoel 2:32)*

14 Ekñenaj Amobotnaj Zisas ku nâmkijpeip keyaj zeinen ekñenaj egañ yomin peme mebegat ku mandundum saip. Mti nan ekñenaj Kawawan zetnaj ku nâmbien benak beme zigoset egat nâmkijpewiek? Ma an ñenaj Zet Zapat Dolakñaj Penaj ke timti ku met diindonak beme zet ke zigok nâmbiek? 15 Ma am ñenaj buñam zet mmebegalen an ñen ku indeme mebiek benak beme buñam zet ke zigok nâmbiek? Kawawañgalen Zet Itnañanen kapigok meluwan mimiñaj tazin, “Am Kawawañgalen Zet Zapat Dolakñaj Penaj Nemunaj ningat Amobotnaj nin ndamukulem mimiyet peme toge an zet ke timti ninmagen kobien ekñen keyaj muluwan pembenaj penaj mip.” (*Aizaya 52:7*)

*Islael am Zet Zapat Dolakñaj Penañgalen mama mimi dolakñaj ku mâbien*

16 Zet Zapat Dolakñaj Penaj am sambe ilinsakwep penaj ku gawepuwien keyepmti golan zenze an Aizayayan pigok zeye,

“Amobotnaj buñam zapat zemkawan bembenaj an ke am sambeyaj ku nâmkijpewien.” (*Aizaya 53:1*)

17 Keyepmti nin kapigok nânup, Zet Zapat Dolakñaj Penaj zemkawan beme nânup keesetgatnaj nâmkijpepe maaikndain. Ma nan am ekñen keyaj Zet Zapat Dolakñaj Penaj Kawawañaj Kilais ningapmti peme toti gakimti ndage zet ke zemkawan beme nin nânup am ekñen ke Kawawañaj zemindeme ninmagen kobien. 18 Yanğut notnañaj in kapigok mene



nâgât zesâip, ekñenañ Kawawañgalen Zet Zapat Dolakñañ Penañ Zisas Kilaisiyet zein ku nâmbien. Ke penañ yek. Sam Kawawañgalen Zet Itnañanen zet ñen kapigok tazin,

“Msat sambe buñam zapat timti zempalakñañ bemepme amnañ nâme delañ zemâge. Buñam zapat keyañ msat ilindiñ bemisikti msat beñan eyo mepme kopmâge.” (*Sam 19:4*)

<sup>19</sup> Yañgut ewe tusumti yañkwesisowap, “Israel am ekñenañ zet kapi ku nâip ma zigok?” Kegok yek. Ekñenañ zet kapi nâmtalip. Neñañ Mosesiyañ zet pigok kuye ke zemkawañ bewi,

“Neñ am Zuda mañgeen ku sokbembenañ indatima ekñenañ nen nâmkijpem neme ekñengat dolakñañ nâmindema in ke egomti nâmbekam bemnembep. Neñ am ekñen nânâñinpiñ indatima in keyet nâmbekam bemti ñenzinziñ mbep.” (*Zii Zet 32:21*)

<sup>20</sup> Naman bam Aizayayañ kinğagapiñ zet windenañben kapigok zeye,

“Am Zuda mañgeen ku sokbembenañ nâgât ku natimamat mulup mbienañgut ekñenañ nâmkijpemnewien. Am nâgât zem timapmapin mambien ekñenmagen sosok sokbemindawan.” (*Aizaya 65:1*)

<sup>21</sup> Mti Aizayayañ Israel am ekñengat zet pigok meluwañ mege,

“Neñ am zet kululu ma zet gaipupuñin yek ekñengat kan teepmañ neñmagen gilik ze

kokogalen damuŋ tati bet talalaŋ mimin-  
damti matalap.” *(Aizaya*  
*65:2)*

## 11

### *Kawawaŋaŋ Zuda am keŋ taolet mimindasâpm*

<sup>1</sup> Kawawaŋaŋ Israeŋ am ekŋengat keŋaŋaŋ zigok manâin keyet zetnaŋ kapi zesowap. Kawawaŋaŋ amŋene ku bamkumindeye. Kawawaŋaŋ ekŋen ku katimindeye. Yek penaŋ. Neŋ keŋogak Israeŋ an mamayap. Neŋ Abalaamgat iŋaŋ ma nâgât yaŋŋ omâtâbagen met Benzamin am maŋge kemagen patan zenak.

<sup>2</sup> Kawawaŋaŋ amŋene ombemindemti indatiye ke ku kandat indeye. In Ilaizayet Kawawaŋgalen Zet Itnaŋanen zet zapatnaŋ tazin ke in makumti manâip. Ilaiza egaŋ Israeŋ am ekŋengat ŋenzinziŋ nâmindemti Kawawaŋgat pigok dunduye,

<sup>3</sup> “Amobotnaŋ, ekŋenaŋ golan zenze andine indom walet mti sâpe sâpe bumbu mundumdi kume epeem temege. Âpme pi neŋ nenak mama keŋogak nosâgât tazeip.”

<sup>4</sup> Kogogapm Kawawaŋaŋ zet dopmaŋ kapigok dunduye,

“Geŋ kwep yek. Neŋ am 7,000 indaŋgalaŋma nopiom Bal ku sesewatsamti tapmaip.” *(1 Kij 19)*

<sup>5</sup> Âpme kan pigogak Kawawaŋaŋ Israeŋ am isikŋaŋ bugan keŋ taoletnaŋgapmti aŋgalaŋ ndeme mamauŋ. <sup>6</sup> Nnaŋgat mulupgat dopmaŋgapm ku ndatiye. Egaŋ

keñ taoletnañgapmti ndatiye. Nin nnañgat mulupnnañgat dopmañ zewenek beme Kawawañgalen keñ taolet ke penañepiñ benak. <sup>7</sup> Keyepmti nin kapigok ñep zenzeyelen, Islael am ekñenañ Kawawañmak teñ mamanup nâmbienañgut Kawawañañ indikme ekñenañ teñ mama ke titiyet tim yape yape mbien. Indamakum titiñañ ekñenañ etañ teñ mama ke aikbien. Notnañ sambeyañ Zisas ku manâmkinpeip kegogapmti ekñen keñin katikñañ beme maip. <sup>8</sup> Kogok sokbemindayelen Kawawañgalen Zet Itnañanen pigok zein,

“Kawawañañ keñin myuñgum indeme zikalin taegiwañgut mme beñañnok bewe. Ma wakñin tatnâiwañgut bekekekeñañnok bewe. Kegok mimindame mambienañ ewe mamamkwalip.” *(Zii Zet 29:4; Aizaya 29:10)*

<sup>9</sup> Naman Dewilañ kegogak Kawawañgat pigok dunduye,

“Islael am ekñenañ Kawawañañ ningat nâmtikñañ mamm nânâ manâip keyañ ilinañgat añkapipilinok beme ñoktikñin nâip keyet penañañ ku msokbeme keyañ indowe. Ma nin Kawawañgalen zii zet timama toñañ manâip keyañ añkapipit ñandolopmañ soñgom bimane tim tapme gakisât mammnok nânâñin keyañ nukñañin beme bekañañgat dopmañ mutumindawe. <sup>10</sup> Ekñen zikalin beñañnok beme ñep ku ekmâtâbep. Âpme geñ Kawawañ nukñañ indawanik keyañ

bisekaselin mututuŋaŋnok bewe keyaŋ kwesiŋ matamambe.”

Dewilaŋ Kawawaŋgat kogok dunduye. (Sam 69:22-23)

*Kawawaŋaŋ Zuda am maŋgeen ku sokbembenaŋ indatiye*

<sup>11</sup> Keyepmti nin keŋŋnan pigok ku nâmbanup, Kawawaŋ ek ilak amŋane Zuda nanzaŋ ulugaluk selen amnaŋ ekti sebempepeyelen ke imti toindome egaŋ ekŋengat keŋaŋ teenŋaŋ beye. Yegat. Kawawaŋ egok mnen am Zuda maŋgeen ku sokbembenaŋ ekŋenaŋ Kawawaŋ nâmkipepeyelen nâmti kan tusumindain. Kawawaŋaŋ kegok mme Zuda am ekŋenaŋ ke ekti keŋin walatme Kawawaŋinmak mamayet tikŋaŋin sokbemindame kot ekmak tusumti mambeŋ. <sup>12</sup> Zuda am ekŋenaŋ nanzaŋ ulugaluk amnaŋ ekseseyet Kawawaŋaŋ bempeye ke ekti ime ulukpeme toindoye. Kan keyet Kawawaŋaŋ am msat sambe ekŋenaŋ Kawawaŋgalen Zet Zapat Dolakŋaŋ Penaŋ keyaŋ koindaikme nâmkipepe aikbien. Yanŋut nâmbak, Zuda am ekŋenaŋ gilik zemti Kawawaŋgalen Zet Zapat Dolakŋaŋ Penaŋ ke eknâmti nâmkipepe aikbep beme keyet palaŋanen am nin sambemagen Kawawaŋmak mama eyaŋ lembimti wembe.

<sup>13</sup> Am Zuda maŋgeen ku sokbembenaŋ ingat zet kapi diindoma nâit. Neŋ ingalen an Kawawaŋgalen Zet Zapat Dolakŋaŋ Penaŋ timamayet an ombem neŋge keyet nâma mobotnaŋ penaŋ bein. Kogogapmti neŋ Kawawaŋaŋ inmagen Zet Zapat Dolakŋaŋ Penaŋ

ke diindondoyet zemneme takum indayap. <sup>14</sup> In Zet Zapat Dolakŋaŋ Penañ diindoma keeset mene nanangāt sipm butnaŋne keŋin puŋpuŋ mme yomin ekme topme Kawawaŋaŋ gilik zemindatitiyelen dundum sawep. <sup>15</sup> Kawawaŋaŋ Zuda am katikindeye kan keyet egaŋ msat katan am sambe indatime ekmak keŋ kwep bembeyet nâmti mge. Ya bangat Zuda am ekŋenaŋ Kawawaŋaŋmagen gilik zemkopme indatiwe beme ekŋenaŋ gakikiengatnan walip sepem kekok bewe. <sup>16</sup> Abalaamak Aisakmak Zekop ekŋen Kawawaŋaŋ ikŋaŋgat anene zemindeye keyepmti am maŋge ekŋenmagengatnaŋ sokbembenaŋ Zuda am ekŋen kogogak Kawawaŋgat amŋane beip. Enenogat am ekŋen kapiyet yaŋin Kawawaŋaŋ ikŋaŋ yaŋbemti ombemindeye ke tep teŋgat yaŋaŋnok beip. Mme tepgat betnaŋne kekokak teŋ mama ke tiip. <sup>17</sup> Âpme Kawawaŋaŋ olip tep betnaŋ notnaŋ elenŋem time mege. Zuda am kogok miindemti in olip zupmaŋgat betnaŋ antim olip tep ŋotekŋaŋ kwep keyet kot tusumindeye. Âpme in Zuda maŋgeen ku sokbembenaŋ in olip zupmaŋgat betnaŋ keyaŋ kot tepgat tuŋaŋ pembenañ in tim nimiti pembenañ tapmaip. <sup>18</sup> In olip zupmaŋgat betnaŋ in olip penaŋgat betnaŋ etum towewenaŋ ekŋengat nâmindeme tototnaŋ ku beme ilinaŋgat sekŋin ku mmobep. Kekok mamip beme pigok nâit, tewañ tu meuŋaŋ betnasetgatnaŋ koti kindiŋanen kumapelaŋguin yek. Kindiŋasetgatnaŋ kwati sinaŋ betnaŋ mapelaŋguin. <sup>19</sup> Neŋ kekok

zema in nembetnaŋ kapigok mene zewiek, “Kawawaŋaŋ nin tusumndesâgât nâmti betnaŋ itnaŋaŋ antu time mepmâge.”<sup>20</sup> Ke ŋep zeip yaŋgut Zuda am ekŋen ke tati nâmkijpepe ku aikbiengapmti antum indemti ekŋengat munduminan in nâmkijpepe aikbien keyepmti tusumindeme talip. Keyepmti in ilinaŋgat sekŋin mmobopiŋ mamti eksewep.<sup>21</sup> Kawawaŋaŋ olip betnaŋ penaŋ ku aŋgalaŋ indeye. Âpme in olip zupmaŋgat betnaŋaŋ in mobotnaŋ mbewen in Kawawaŋaŋ kegogak tususuŋin ekmagen tazin ke elenŋem indewe.<sup>22</sup> In Kawawaŋgat yaŋaŋ penaŋ ku nâmatâlip. Egaŋ am keŋ taolet mamimindainen bakbak palen mamin. Ma am ŋen kasa mimindasâti bewelep kwisak palen mamimindain. Am Kawawaŋgalen mama mimi ku mamâlip ekŋengat kasa mamiminden ma in nâmkijpewien keyepmti in bakbak mimindeme tapmaip keyepmti Kawawaŋgalen mama mim eksemti mmambep. Kogok ku mbep beme egaŋ ingat zewe, “Neŋ in ku nâmindeyaŋ.”<sup>23</sup> Âpme betnaŋ itnaŋaŋ atum time mebetnaŋ ekŋenaŋ keŋ katik penaŋ ku tabep ma Kawawaŋmagen gilik zemti nâmkijpewep beme egaŋ indatimti tusum indesât ŋep tusumindewe.<sup>24</sup> Kegogapmti in olip zupmaŋgat betnaŋ mti olip mtawenaŋgat palen tusumindeye kegogak Kawawaŋaŋ olip mtawenaŋgat betnaŋ elenŋempeye ke ewe mkwat tusumpesât nâmbes beme sewak mkwat tusumindewe enenogat olip yaŋaŋ e olip mtawenaŋ.

*Kawawaŋaŋ am sambe keŋ taolet*

*mamimindain*

<sup>25</sup> In ilinaŋgalen nânâen tusumti manâmyunŋupgapm Kawawaŋaŋ Zuda am ekŋengat nâmbiliwepme tazin ke zemkawaŋ bema in am Zuda maŋgeen ku sokbembenaŋ in kapigok nâit. Ekŋenaŋ Kawawaŋ bamkumpewien kan keyet in Zuda maŋgeen ku sokbembenaŋ in sambe ke Kawawaŋaŋ ombem indeme koti Kawawaŋ nâmkijpepeyet indame tapmaip keyet sekŋin mmobopin. <sup>26</sup> Kawawaŋaŋ Zuda am ewe gilik zemindatisâpm kan ke ewe kabigok. Am Zuda maŋgeen ku sokbembenaŋ ekŋenmagengatnaŋ Kawawaŋaŋ ikŋaŋgat ombemindeye ekŋen sambe keyaŋ nâmkijpemeŋgut kan keyet Zuda am sambe Kawawaŋ nâmkijpeme gilik zemti indatiwe. Kawawaŋgalen Zet Itnaŋanen pigok meluwaŋ miminaŋ tazin,

“Saion mkaengatnan Weyeyaŋ An ŋen koti Zekopgalen iŋsokŋane yomengatnaŋ gilik zem Kawawaŋmagen kopme yomin katikpesâpm.”

<sup>27</sup> Kawawaŋgalen zet ŋen ekŋengat kapigok zeye, “Neŋ ewe yomin zulupma mepme ekŋenmak tâtâ alakŋaŋ ewe mbap.” (*Aizaya 27:9*)

<sup>28</sup> Zuda am ekŋenaŋ Zet Zapat Dolakŋaŋ Penaŋ bamkumpewien keyepmti Kawawaŋaŋ ekŋengat kasaŋin beye. Yanŋgut eweŋan Kawawaŋaŋ yeŋsokŋin Abalaam, Aisak ma Zekop ikŋaŋgat zapat ombemindeye keyepmti ekŋenmak zetik mge keyet nâmti keŋ taolet mamimindain.

<sup>29</sup> Kawawaŋaŋ Zuda am ŋenemak zetik mge ke kanda kume zet tim yape yape ŋep ku

mimiyelen. Zetnaŋ zeye ke bandim mti penanaŋ mme sokbewe. <sup>30</sup> Zuda am maŋgeen ku sokbembenŋ in eweŋan Kawawaŋ ku nâmtiyepm zetnaŋ kulumti mamamtemien. Âpme Zuda am ekŋenaŋ Kawawaŋmak mamayet wisat mme egaŋ naman in indatime egalen aŋgalaŋ gogot keŋan kwabienŋ mamaip. <sup>31</sup> Mme nan Zuda amnaŋ in eweŋan mambienok Kawawaŋ tazin e nâmtiŋgut egat zetnaŋ nâmti ku manâmkiŋpeip mme in Kawawaŋaŋ aŋgalaŋ gogot in mamimindain. Yaŋgut ekŋenaŋ gilik zemti Kawawaŋ nâmkŋpeme egaŋ kogogak Zuda am ekŋen aŋgalaŋ gogot mimindawe. <sup>32</sup> Zuda ammak am Zuda maŋgeen ku sokbembenŋ ekŋen ilinsakwep Kawawaŋgat zimosetnan a yompaŋset bemâbien. Kogok mame Kawawaŋaŋ ilinsakwep kembeŋ mimindamti aŋgalaŋ gogotnanen indatim kwat indeme tapmaip.

*Nin Kawawaŋgat kwizet buŋamaŋ mimwatonzempewanup*

<sup>33</sup> Wakae, Kawawaŋgalen nânâ ma egalen ŋoktik ke temaŋ penaŋ tu temaŋ bekeboŋ. Zemdelaŋ zenzeŋaŋgat yaŋaŋ ke am ŋenaŋ yaŋaŋ ŋep ku nâmatâtâgalen. Ma mulup mimiŋaŋgat yaŋaŋ kegogak am ŋenaŋ ŋep ku eknâmatâtâgalen. <sup>34</sup> Kawawaŋgalen Zet Itanaŋanen zet kangwayet kapigok zein,

“Amobotnaŋgat keŋanen zet tazin ke an ŋenaŋ ŋep ku nâŋge. Ma egaŋ zet tazeme an ŋenaŋ ku mukulem mpemti zeye.” (*Aizaya 40:13*)

<sup>35</sup> Zet ŋen ewe kapigok zein,



“Ma an ñenañ kwitnañ ñen ñenañ msayeyañ keyet dopmañ mutumsawe?” (*Zop 35:7; 41:11*)

<sup>36</sup> Kwitnañ kwitnañ ekmagengatnañ etañ makopmâzin. Egañ kwitnañ kwitnañ sambe keyet ñotekñin bein ma egañ keyet damuñin bein ma kwitnañ kwitnañ sambe mge keyet nin egat kwizet buñamañ mwawagalen kekok mti sesewatsapeñ mamambanup. Ke penañ.

## 12

*Nin keñ ma sekñ Kawawañgat sâpe sâpenok sawanup*

<sup>1</sup> Kilaismagen notnne, neñ Kawawañ angalan gogotnañgapmti zet nanañañ ñen zema nâit. In keñ sekñin Kawawañgat sâpe sâpenok ke teñ ewe segen alik kapi tapmamti ketalasime egat etañ bewe. Mme in ilin sâpe sâpenin nembon ke Kawawañañ ekme oli oliñañmak nâmtikñañ min keyet katan wembe. In kogok mip keyañ Kawawañgat sesewatsaip keyet katan bein. <sup>2</sup> Mti mama mimiñinañ am nâmkñpepepiñañ mamamti maip sepem kebon ku mambep. In keñ otnânâñin mim gilik peme sepem ikñak penañ beme Kawawañgalen zetnañ tazin keyet katan mulup dolakñañ ma mulup Kawawañañ ek-tikñañ mimiyeleñ ma kwetetepmañ keyet zapat mambep.

*Am ñen Kawawañañ winde saye keyet katan mulupmañ mbe*

<sup>3</sup> Kawawañañ keñ taolet mnamti mulup kapi nañgayepmti in sambeyet pigok zema nâit.

Am ñenañ ikrãngat nâme mobotnañ ku bewe. Kawawañañ in nâmkĩpepeyet winde indaye keyet nâmkĩpepe keyañ mopmañ bemindeme keñin mtoti mambep. <sup>4</sup> In kapigok nâit, sekñ kwewetañ yañgut betnañ setnañ mee keyañ mulup mimiñin sepem ikrãk ikrãk miwañgut ekñen sek kwepgat butnañ. <sup>5</sup> Kenok nin Kilaismak tusumti kwep bewennañ manup nin sepem kwep keboñ. Nin am sambeyañ ondekti nâmkĩpepeen kwep bemti Kilaisiyet setnañ ma betnañnok bemmamti mukulem ikrãk ikrãk mamnup. Ewan sek kwep ke bandim mpesâgât mamnup. Nin sambe piwan sek kwepgat butnañ butnañnokgapmti mukulem mukulem kekok mamambanup. <sup>6</sup> Nin Kilaisiyet sekñañ butnañnokgapm Kawawañañ keñ taolet m ndamti sisiliñ kukuyet winde toñak toñak ndaye. Am ñenañ Kawawañmagengatnañ zet notnañ tin ma Kawawañgalen Zet Zapat Dolakñañ Penañ zemkawañ bembeyelen winde sasañañañ buñam zapat ke zemkawañ besâgâti Kawawañañ zet kapi ndain ke nâmkĩpemti zet ke etañ zewep. <sup>7</sup> Ma ninmagengatnañ ñen ek notnañ mukulem mimiyyet winde sasañañ beme mulupmañ ke eksemti mbe ma ñen ek Kawawañgalen zet zikat indandayet winde sasañañ egañ an zikat indanda mulupmañ ke eksemti mbe. <sup>8</sup> Ma nan ninmagengatnañ ñen ek Kawawañgalen zelen zet tazin ke timti am zemgwatnañ mimiyyelen winde sasañañ ek mulup ke weyañti mbe. Manan ñen ek mânep milawatnak mama keyet winde sasañañ ek mânep milawatnañ ekdamuñ mti bekopsat

indamukulem msâgât nâmtemtempin mbe. Ma ñen ek an damuñ mulup mimiyet winde sasañan egañ an damuñ mulupmañ weyañ mbe. Ma ninmagengatnañ ñen ek notnañ nukñanen tapme kember mimiyele winde sasañan egañ nukñan titi ke oloñen palen mbe.

*Notn notn mamayelen set*

<sup>9</sup> Notdañgat gogot mimi ke keñdañgatnañ penañ kwapme mbanik belak dembusek etañan yek. Mti mama mimi bekanan ke kasa kumpemti naman mama mimi pembenan mkipman bemti mamambanik. <sup>10</sup> In notn notn penañ mti mambeb. Mti in sambeyan noline ekse ekse mti ilinañgat manâme topmambe. <sup>11</sup> In Kawawañgalen mulup mimiyet sebet susukpin, windeninben mbep. Naman mulup kegogak windemben mamambep. <sup>12</sup> In Amobotnañan inmagen kwitnañ ñen mimindasâpmgat damuñ mamti oloñen palen mambeb. Nukñan ñen inmagen sokbeme in winde timti katikñan bemti tabep. Mti kan katan in dundundu mulup mpen mamambep. <sup>13</sup> Naman Kawawañgalen am notnañ indikme olat olat palen mame indamukulem mimindewep. Ma am mukup notnañ kopme indikti in weyañ indikdamuñ mimindewep.

*Am nâmkinpepeninpinmak notn notn mamayelen set*

<sup>14</sup> Amnan in tototñak indom walesâpme in Kawawañan ekñen dolakñan mimindandayet dunduwep. Kegogak ingat dembusekñinañgatnañ saik zet ñen ku tobep. <sup>15</sup> Nolinañ keñan segeyek mme in ekmak sebemti

kwilekiyet segeyek min ke mukulem mti tabep. Naman nolin ñen keñ sindem palen tapme mukulem mti keñin sindem palen tabe. <sup>16</sup> In ilinaŋgat maotnâip ñoktik sepem keboŋagak noline tototnaŋ ekŋengat otnâmindewep. In ilinaŋgat nâme mobotnaŋ ku bewe, nolineyet nâme mobotnaŋegak bewe. <sup>17</sup> An ñenaŋ inmagen kwileki ñen mim yuŋgum indame in dopmaŋ kegogak ku myuŋgum sawep. Yaŋgut in am sambe ekŋengat zikalinan mama mimi dolakŋaŋ etaŋ mamambep. <sup>18</sup> Mti an ñenmak ñenzinziŋ ku mbep. Am sambe ekŋenmak notn notn mmambep. Naman an ñenaŋ gâgât notn notn ku mbe beme e egalen kwitnaŋ kwitnaŋ. <sup>19</sup> Notnne penaŋ, in am ñenaŋ myuŋgum indame keyet dopmaŋ ku gilik zemti mindawep. Myuŋguŋgu ke Kawawaŋgat betnan esemteŋ bempewep eneyet Kawawaŋaŋ ikŋaŋ pigok zeye.

“Dopmaŋ mututu ke nâlen mulup.” *(Zii Zet 32:35)*

<sup>20</sup> In kapigok etaŋ mbep,

“Kasaŋin meuyet gakime meu indawanik ma tuyet gakime tu samane nimbe. Geŋ kegok mmane gâlen mama mimi dolakŋaŋ keyaŋ an tondi ke sakambuk temaŋ sawe. Mme keŋaŋ mgilik zenak mene.” *(Totatatgalen Set 25:21-22)*

<sup>21</sup> Mama mimi bekaŋaŋaŋ geŋ ku mtogewe. Geŋ mama mimi dolakŋaŋ mmane keyaŋ bekaŋgalen winde kume topmâbe.

*Nin gapman ekɲengalen zet kandaɲan mamam-banup*

1 Gapman mulup ke Kawawaɲmagengatnan sokbeyeyepm am sambe gapmangalen zet kandaɲan mepme delaɲ zemâpbe. Ekɲen Kawawaɲaɲ zemâtâtpeye keyet katnanen mulupminn mamip. <sup>2</sup> Kegogapmti annne gapman mulup mti maip ekɲengalen zet ku wanup. Zelin kulunup beme ekɲengalen yek; Kawawaɲgalen zet kulunupnok bein. Keyet dopmaɲ kangat zelen tabanup. <sup>3</sup> Mti am damaɲin mamaip ekɲengat kiɲgagatpiɲ. Mama mimindi dolakɲaɲ tagain beme eneyet kiɲgasât? Bekanaɲ mamip ekɲenaɲ kiɲgat indeip eneyet ekɲenaɲ bekanan mamip keyepm kekok mip. Âpme nin kiɲgagatpiɲ mamasât nâmti mama mimi dolakɲaɲ mbanup. <sup>4</sup> Gapman ekɲen Kawawaɲgalen mulup angapmti ndamukulem mme dolakɲaɲ mamayet mulup mamip. Âk ekɲengalen zet dolakɲaɲ mimiyet zeip ke ku gawepumti bekanan mnup beme ekɲen bekananɲat dopmaɲ mututuyet mulup mimiyelen Kawawaɲaɲ mulup zet ke indaye. <sup>5</sup> Keyepmti in zelin penaɲ gawepuwep. E yaɲaɲ kapigogat: dopmaɲ mutumgawep keyet kiɲgagagatnaɲgat etaɲ yek ma ingat keɲinanen ke mimiyelen keɲin maindembein keyet penaɲaɲ msâtnâmtiyepm mamip. <sup>6</sup> Ekɲen Kawawaɲaɲ damaɲ mulup mimiyet zemindeye ke mamip. Keyet nin takis mânep bemann keyetnaɲ timtati tosaɲin tiwep ma ninmagen mulup mbep. <sup>7</sup> Âpme in kwitnaɲ kwitnaɲ zemâtâtâtnaɲ keyet

kataŋ mbep. Takis indandayet zenzeŋaŋ ekŋen takis mânep indawep. Ekŋen sisiliŋ mulup mimindandayet zenzeŋaŋ ekŋen sisiliŋ mulup mimindawep. Kandaŋinan mtoti mamayet zenzeŋaŋ ekŋengat kandaŋinan mtoti mambep. Kwizet buŋamin mwawatgat zenzeŋaŋ ekŋen kwizet buŋamin mwat indewep.

*Notn notn mti keŋ taolet dopdop mbep*

<sup>8</sup> Nodaŋgalen dopmaŋ geŋmagen tazin beme ke mutuwanik. Ninmagen dopmaŋ ŋen mutu-tuyelennok tazin ilak nolinaŋgat indembembe ke taindame nolin kan kataŋ gogot mimindemambep. Kogok mbewaŋ zeinen in nâlen gogotgalen zii zetn maŋgawepup bein. <sup>9</sup> Zii zelen pigok zenzeŋaŋ:

“Awembiŋit kalelaŋ ku mbalup,”

“Geŋ kasa ku kuwanik,”

“Geŋ kambu ku tiwanik,”

“Nodaŋgalen kwileki ŋeniyet ayak ku mbanik.”

*(Kisim Bek 20:13-17)*

Zii zet ke ma aŋkeŋoo zet notnaŋ sambe talip ekŋengat temakwep bemti ŋotekŋaŋ pigok zenzeŋaŋ,

“Gitaŋgat maŋgembein sepem kegogak nodaŋgat gembewe.” *(Wok Pris 19:18)*

<sup>10</sup> Am gogotmak mambe egaŋ notnaŋ kwileki ŋen ku myuŋgum sawe. Keyepmti am ŋenaŋ gogot palen mamain egaŋ zii zet nodaŋgat gogot mimi ke ilak maŋgawepun.

<sup>11</sup> Kegok mimiyet zemindendeŋaŋ in kan alak tapmanup kapiyet yaŋbemti mit. In muluk weweŋanak mama tapmaip e peme tapme

ewenjan Kawawanjan nâmkijpempti mama mimi dolakjan mbien ewan mit eneyet Amobotnan kokotnan galen kan sokjan bein. <sup>12</sup> Tambumbu delan zeme msalan msasâgât sasat kuingapmti nin tambumbuyelen kwitnan kwitnan timan tamepme msat msame kasayelen timbi sâk timti eksemti tatne. <sup>13</sup> Nin amnan msayet mamanup kegogapm mama mimi pembenan mam mambanup. Nin tu katikjan nimti kejan kilejan ku mbanup. Nin kanzowak kilejan kilejan mti imbimak set kilejan ku mambanup. Ma nin am notne ekjengalen kwitnan kwitnan gat eyak mti nenzinjan kilejan ku mbanup. <sup>14</sup> Zisasi Kilais ek nâmkijpempti ekmak tususunjan tapme mamti mambep. Mti kejan itnan galen mama mimi mgasik sambe e bankumpempti keyet nen ewe ku otnâmbanik.

## 14

*Nin notnneyelen mama mimi jan angat yanjan ekti, "Gejan kebon nejan kebon nnagak," zemi ku atindândâwep*

<sup>1</sup> Am nâmkijpepenjmak notnan ingat tunjuwinan tapmaip ekjen nâmkijpepenjan tuwat tuwat kogogapmti mama mimi jan angat ku atindândâwep. <sup>2</sup> Notnan inmagen an nâmtemteminjan ekjengalen mama mimi jan kapigok tatindain, "Nejan kwitnan sambe nen nimâbâgalen etan." Ma notnan nâmtemtemjnak pigok nâip, "Nejan kwitnan kwitnan Kawawanjan nâme nejan niniyelen beye ke etan niniyelen," zemi msikokok etan manip.

An nâmtetemanpijan an nâmtetemanmagat ku ekme topme nâmtalat pewe. <sup>3</sup> It temakwep Kawawaŋalen am kegogapm geŋ nâmtetem kumti kwitnaŋ kwitnaŋ ekseseŋ mannik in noline nâmtetemjinmak ku indikme topme ektalat indewep. <sup>4</sup> Keyepmti geŋ an zibonaŋ an ŋeniyelen mulup an ŋeniyet, “Geŋ Kawawaŋalen set tazinen ke ku mainik,” zeme ŋep bewe? Egaŋ mulupmanen windenaŋ bemti tabe ma tuwat tuwat bewe keyet zetnaŋ zenze ke Amobotnaŋaŋ zenzeyelen, eneyet zet kebon zenze ke Kawawaŋalen; nin yek. Keyepmti egaŋ tuwat tuwat ŋep ku bembeyelen Amobotnaŋaŋaŋ mukulem mpeme ŋep gweŋ gweŋ kumti tabe. <sup>5</sup> An ŋenaŋ kasup kwep ŋeniyet nâme mobotnaŋ penaŋ beme pigok manâin, “Kasup mulup mimi kwep kapiyaŋ kasup notnaŋ sebemindemti gwaen tazin kegok mambein.” Âpme an ŋenaŋ nâme, “Kasup mulup mimi sambe bepi sepemin kwep mambein” Am sambe nânâŋin sepem ikŋak ikŋak kegok tazingapmti kwileki ŋen msât nâmbep beme ŋep ilinak kwep kwep nâmti mbep. <sup>6</sup> An msasa ŋen Amobotnaŋgat sesewatsasayet nâmti ombep beme egaŋ Amobotnaŋ kwitnaŋ kwitnaŋ mwasâti kegok mip. Ma an soŋgom meu nâmtetemanpijan manin ma an nâmtetem mti eksemte egaŋ sikokok etaŋ manin. Mti egelaŋ kegok milut ke Amobotnaŋ Kawawaŋaŋ kwitnaŋ kwitnaŋ meu maidain keyet nâmti dundum samti wisikŋ zemti manilup. <sup>7</sup> Am nin mamanup kapi ninaŋgat kwizet buŋamak bembeyet mti ku mamanup yek. Nin mama



miminnanen kwitnaŋ ɲen minup beme nin ke mman Kawawaŋaŋ keyet kwizet buŋamaŋ tin. Mti mama mamanup ke Kawawaŋaŋ nâme tikŋaŋ bembeyelen ke mti keyet keŋan mene gakiki aiknup beme ke kegogak Kawawaŋgat zapat bein. <sup>8</sup> Kegogapmti nin msalen kapi mamti Amobotnaŋgat kwitnaŋ mwatomzempemti mamabanup. Nin Kawawaŋgalen zapat mamanup keyepmti gakinup ma alik mabanup beme Kawawaŋgalen kwitnaŋ kwitnaŋ etaŋ. <sup>9</sup> Amobotnaŋ gakimti naman gilik zemti wage ke yaŋaŋ kapigogat, Kilaisiyaŋ am gakikinaŋ ma am alik mamanup ningat Amobotnaŋ temakwep mamayet nâmti gakimti wage eyaŋ ningat Amobotnaŋ tazin. <sup>10</sup> Kilais ek ningat Amobotnaŋ kogogapm geŋ soŋgom meu ku manik in ekŋen soŋgom meu manip ekŋengat zekukuŋin ku mbep. Naman kegogak geŋ soŋgom meu manik in ekŋen soŋgom meu ku manip ekŋengat zekuku ku mbep. Nin sambeyaŋ Kawawaŋgat zikatnan sokbemann egaŋ nin sambeyet zetn zemdelaŋ zewe. <sup>11</sup> Kawawaŋgalen Zet Itnaŋanen golaŋ zenze an Aizayayaŋ zet meluwaŋ kapigok mimiŋaŋ tazin, “Amobotnaŋaŋ zeinen neŋ penaŋ sukwep penaŋ mamayapgapmti in nâgât pedondom namti zewep. Nen Kawawaŋ neŋ an zet zemdelaŋ zenze an.” (*Aizaya 49:18; 45:23*) <sup>12</sup> Keyepm nin sambe pi Kawawaŋgat zikatnan yaŋaŋ zemsokbemann delaŋ zemâbe.

*In nolineyaŋ Kawawaŋ mâbâgalen selin kwitnaŋ ɲenaŋ ku bekekbep*

<sup>13</sup> Keyepmti in Kilaisiyelen am manje ekñengat zet zemdelañ zenze zet mulup ku mbep. Mti naman ñen kapigogak ku mbep, in Kilaisiyelen am manje selinan kwitnañ ñen mme keyañ ekñen mme toindondoyelen seleset ku indaik mebep. <sup>14</sup> Neñ Amobotnañ Zisasmak tusuwanañ mamayap keyepmti neñ pigok nâyap, meu sepemañ inak inak tapmezin keyañ naman keñ mme bekañ beme neñ Kawawañgalen ku bembeyelen mulup mamm. Kogogapm ñen egañ meu ekseñañmak, “Ñen nimti keñ keyañ mme bekañ beme Kawawañgalen an ku bewap,” nâme nin egalen nânâ ke ku mann topme meu ke niniyelen apitilimpewek mene. <sup>15</sup> Kogok apitilimpemtingut geñ zedi mâti meu egañ, “Nima keñ mme bekañ bewe,” manâin ke naman geñ giti totati tatnimane gigepe. Gikti egañ keñanen nâme bekañ bep. Kegok mnak beme gâlen nodangat keñdi bembe ke ku tazin. Geñmak nodi it ilisakwep Kilaisiyañ gilik zemti idadagat gakiye. Keyet geñ nodangat ñoktik nâmamañañ kumane gakikiyet setetekdi lendetme mama mimi egañ nâmtemtem min ke ku mbanik. <sup>16</sup> In kwitnañ kwitnañ pembenañ zemti maip keyangut mama mimi keyet nodañ ekme nukñañ ma eksesemak mambein kogogapm geñ eksemti mbanik. Mneti nodañ keyet nâme mgasik mambeinañ zeok zet notnañ zeweyet eksemti mammambanik. <sup>17</sup> Kawawañgalen zemâtâtâtgat mama ke Emetak Teñañ amgat keñinan mulup mme amnañ mama kapigok mamip: nolinmak olonkati mamaip ma nolinmak

keñ sewakñañ palen ma mama kwetetepman Kawawañañ nâmtikñañ min ke mamañinan mamkawañ beip. Kawawañgalen amnañ in keyet otnâmti tu meuyet etañ atindândâ ku mbep. <sup>18</sup> Keyepm an ñenañ set ke imti Kilais sisilin mulup msamti mainen Kawawañañ ek nâmpeme dolakñañ bewe. Ma am ekñañañ kegogak egat nâme dolakñañ penañ bewe. <sup>19</sup> Keyepmti sewakñañ mama keyañ notnnekam ningalen mamayet popeñañ bembeyelen ñokañkañ kumti mbanup. Naman notn mukulem mukulem ke kogogak mti Kawawañgalen mama mimi in mimiyet manâinen ke mamañinan penañ mkatikñañ bewep. <sup>20</sup> Geñ tu meuyepmti nodañgalen nâmkijpepeñañ Kawawañmagen tazin ku walebanik. Bo meu sambe ekñen ke dolakñañ etañ. Kawawañañ nin niniyelen bempaye yangut bo meu ninup keyet notn keñañ walatme ekme tokukuyelen bep beme geñ bo meu ke ninipin. <sup>21</sup> Geñ nodi keñañ ku mmane bekanañ bembeyelen nâmbanik beme geñ songom sesumbanañ ma wain tu ma kwileki ñen ku nimbanik ma kwileki ñen mmane nodañgat keñañ mme bekanañ ku bewe. <sup>22</sup> Geñ kapigok nâmbanik, tu meu niniyelen maotnânik ke geñ ma Kawawañ igalen kwitnañ kwitnañ. Kegogapmti nodimak tu meuyet atindândâpin. Geñ kwileki ñen yayañ palen ku mnik beme keyet keñdan nâmane ñep beme oloñen mbanik. <sup>23</sup> Yangut an ñenañ keñ zut mtingut kileñ ke nimbe beme ek nimiti yommak bewe. Egañ nâmkijpepepin ilak nin keyet penañañ kegok sokbewe. Nin kwileki

nen nâmtemtem palen belak etaŋ mmann keyaŋ yommak etaŋ bemâpbe.

## 15

### *Nin Kilaisiyaŋ manġe sepem keyet kataŋ mam-banup*

<sup>1</sup> Nin nâmkijpepeen katikŋaŋ bemti kwitnaŋ kwitnaŋ nen ku eksemti kambuk ku manzenup nin am nâmkijpepenin tuwat tuwat kwitnaŋ kwitnaŋ eksemti kambuk manzeip ekŋenmak atindândâpiŋ sewakŋaŋ palen mambanup. Kogok mamti nin nânuwen kapiyaŋ pembenan etaŋ kogok nâmti sek mmopmot ku mbanup.

<sup>2</sup> Nin notnne indamukulem mmann nin mama mimi dolakŋaŋ minuwen keyaŋ ekŋen indamukulem mimindeme Kawawaŋmak tusu mamaŋin mkatikŋaŋ bewe. <sup>3</sup> Kilais egaŋ kegogak ikŋaŋgat nâme mopme ku manġe. Kegogapmti Kawawaŋgalen Zet Itnaŋanen Dewilaŋ Zisasiyet zet nen kapigok kuyeyaŋ tazin ke penanŋmak beye,

“Kawawaŋ zemtalat pewien keyaŋ neŋ zemtalat newien kegok bein.” *(Sam 69:9)*

<sup>4</sup> Kawawaŋgalen Zet Itnaŋanen zet ke belak ku kukuŋaŋ. Zet keyaŋ mama mimi dolakŋaŋ zikat ndandayelen nâmti meluwaŋ mimiŋaŋ. Zet keyet keŋaŋ tazin keyaŋ nin nep ndamukulem mme nâmkijpepeen kaliŋaŋ bem tati Kawawaŋaŋ koti yommak gakiki mtot idesâpm keyet damuŋ mti webepen tabanup. <sup>5</sup> Kawawaŋ ek am keŋin mkatik beme kaliŋaŋ bemti tatat toŋaŋaŋ nep indamukulem mimindeme Kilaisiyelen mama

mimi ke timti keŋ kwep bemti mambep. <sup>6</sup> Kogok mti nin sambe keŋ kwep bemti Amobotnaŋ zemesesewatpewanup. Kegok minuwen Zisas Kilaisiyet bipmaŋ Kawawaŋ nin zemesesewat mnup keyaŋ kwizet buŋamaŋ mme palakŋaŋ bein.

<sup>7</sup> Notn notn mti keŋ kwep bem mama keyaŋ ingalen mamayet popenaŋ beme noline keŋ oloŋen palen indazemtetime kopme mait. Kilaisiyaŋ in indazemtetiye keyet penaŋaŋ notn notn mmame mti Kawawaŋgat kwitnaŋ mme palakŋaŋ bewe.

<sup>8</sup> Kawawaŋaŋ notnne Zuda indamukulem mme kapigok nânâyelen nâmti Kilais peme koge. Egaŋ ekŋengat mukulem mimi an yeŋsokŋineyet zetik mge ilak Kilais zempeme kogeyaŋ egalen zetik ke mme penaŋaŋmak sokbeye. <sup>9</sup> Kegok mgeyepm am Zuda maŋgeen ku sokbembenaŋ ekŋenaŋ Kawawaŋgalen aŋgalaŋ gogotgat zemesesewatpepeyet nâmti kegok mme Kawawaŋgalen Zet Itnaŋanen tazin keyet katnaŋ sokbeye,

“Neŋ Zuda am maŋgeen ku sokbembenaŋ am ekŋengat zikalinan zemesesewatgemti silik kwizet buŋamdi mwawatgat mililim kuwap.” *(2 Samuel 22:50; Sam 18:49)*

<sup>10</sup> Naman zet ŋen ewe Kawawaŋgalen Zet Itnaŋaŋ zenzaŋaŋ kapigok tazin,

“Am Zuda maŋgeen ku sokbembenaŋ ekŋenaŋ koti ikŋaŋgalen maŋgeen ekŋenmak tusumti zemesesewatnewep.” *(Zii Zet 32:43)*

<sup>11</sup> Naman zet ŋen ewe kapi zenzaŋaŋ tazin,

“Am Zuda maŋgeen ku sokbembenaŋ, in ilin-sakwep Amobotnaŋ oloŋen mpemti sese-watpewep ma am sambe ekŋenaŋ kegogak

egat nâme mopme zemsesewatpewep.”  
*(Sam 117:1)*

<sup>12</sup> Ma Aizayayan zet njen kapigok kuye,

“Zesimagengatnan an njen sokbewe egan Zuda am mangeen ku sokbembenan eknen ma am sambe ekjengalen Amobotnan bewe. Mne am Zuda mangeen ku sokbembenan eknenan egan indamukulem mbeyet webemti mambep.” *(Aizaya 11:10)*

<sup>13</sup> Keyepmti nen in Zuda am mangeen ku sokbembenan ingat nâmkinjpepenin ma webembenin Kilaismagen tazin keyan kenin msewak beme mamayet mandunduyap. Kawawan ek webembe tonan keyepm Emetak Ten indaye keninan tazin keyan webembenin mkatiknan beme mamayet mandunduyap.

*Pâl Kawawangalen Zet Zapat Dolaknan timti am Zuda mangeen ku sokbembenan eknenmagen zenze an*

<sup>14</sup> Kilaismagen notnne, inmagen ken taolet mimi ma mama mimi ten keyelen set ke ilak ke Kawawanan keninan bemisik peme mamaip keyepmti ilinagak mukulem mukulem mti njotik dolaknan dopman sam dopman sam mimiyet nep mmambe. Nen ingat yanjanin kegok ke ilak manâmkatik beyap. <sup>15</sup> Apme nen Kawawanan ken taoletnangat Zet Zapat Dolaknan Penan zenze mulup ke tewalan mnenge keyepmti nen zet notnan ingat zesâgâti kwalan kwalan ku mamiyap. <sup>16</sup> Kilais egan am Zuda mangeen ku sokbembenan eknenmagen Zet Zapat Dolaknan

Penañ zempalakñañ bembeyet naombemnenge keyepmti neñ Kawawañgalen Zet Zapat Dolakñañ Penañgapmti sâpe sâpe bumbu anak beyap. In Kawawañgat wisikñ tewalañ Emetak Teñañ keninan mme kwetetepmañ beme Amobotnañgalen wisikñ tewalañ dolakñañ Kawawañmagen neñ mmet Kawawañgat tewalañ ke sâpe sâpe bumbuyet mulup zet ke nañge.

<sup>17</sup> Neñ keññ bugan oloñen bein enenogat neñ Kawawañgalen mulup ke mma keyet kenanen Kilais Zisasiyet kwizet buñamañ mwaban keyet nâyp.

<sup>18</sup> Neñ sekñ mobot zet zeya gwa yañañ kapigogak, neñ Kawawañgalen Zet Zapat Dolakñañ Penañ timti mulup dolakñañ am Zuda mañgeen ku sokbembenañ ekñenmagen timet zema Kilaisiyañ indamukulem mme nâmkñpepeen kwabien keyepmti zeya.

<sup>19</sup> Neñ menok ma winde mamanamañ notnañ tatname zet zewan ke Emetak Teñañ winde name mti Zelusalem mkaengatnañ yañbemti Kilaisiyelen Zet Zapat Dolakñañ Penañ katnañ ke ilak msat katan zempalakñañ bemmeti met Ililikam msalen met patañ zewan.

<sup>20</sup> Neñ am ñenañ mka tañkawat tendempeye keyet palen mka walalatgat nâma ñep ku bein. Kegogapm nanañgat mawalalap. Kegok mamiawen neñ Kilaisiyelen Zet Zapat Dolakñañ Penañ kapi am notnañ ku nâip ekñenmagen met zempalakñañ bembeyet tikñaññ omba penañ matazin.

<sup>21</sup> Kawawañgalen Zet Itnañanen golan zenze an Aizayayañ zet zeye ke penañañmak bembeyelen manâyawen ke kapigok zeye,

“Am zet zapatnaŋ ku nânâŋaŋ ekŋenaŋ ke eknâmâtâbep.” *(Aizaya 52:15)*

<sup>22</sup> Zet keboŋ keyaŋ naopem manamandame mulup mamiyap ke ekma ektemtemŋaŋmak beme inmagen sakwep kokogalen kwindenderŋaŋmak beye.

*Pâlaŋ Loma am met indikti omteŋ Sipaen msalen mesâgât nânge*

<sup>23</sup> Neŋ am ekŋen kapimagen mulup mimiyet nâmbanen ilak mma delaŋ zeme inmagen kosâgât webe webe teepmaŋ mban ke elak danŋome inmagen kosowap. <sup>24</sup> Neŋ in kot indikti inmak belaknik taindema mukulem notnaŋ mnamaŋgut indemti Sipaen msalen indem mebap ke nâma kopme oloŋen miap. Sipaen msat ke mebegalen manâyap kegogapm mebap. <sup>25</sup> Yaŋgut alak pi Kawawaŋgalen an imbi indamukulem msâgât Zelusalem mkaen mesâgât weyaŋbe weyaŋbe notnaŋ tapmiap. <sup>26</sup> Ke notnne Kawawaŋgalen am bemberaŋ Masedoniamak Akaia Plowins ekŋenaŋ Zelusalem mkaen Kawawaŋgalen am olat olat palen mamaip ekŋen indamukulem mimindemti zemtâmti milawat akumbemti beme Zelusalem mesâgât oloŋen palen tapmip. <sup>27</sup> Ekŋenaŋ keŋ taolelin tazin keyet kataŋ mme dolakŋaŋ penaŋ bein. Yaŋgut ekŋen Zelusalem am ekŋenmagen dopmaŋin butnaŋ tazin. Ekŋenaŋ am Zuda maŋgeen ku sokbemberaŋ ekŋengat Kawawaŋgalen Zet Zapat Dolakŋaŋ Penaŋ timamti zenze an bemti ekŋenmagen Zet Zapat Dolakŋaŋ Penaŋ timkokotnaŋ keyaŋ ekŋengalen dopmaŋin mututuyelenok keyepmti



ekņenaņ sekgalen bandim ke akumbemti indame  
ņep penaņ bembeyelen. <sup>28</sup> Âpme zemkatik  
bewien keyet penaņaņ sekgalen bandim akum  
bewien ke neņ timti met indama delaņ zeme  
gilik zem inmagen koti keyetnan Sipaen msalen  
mebap. <sup>29</sup> Neņ inmagen kobawen belak penaņ  
yek. Neņ Kilaisiyelen windenaņmak koti ingalen  
nâmkiņpepeņin Zisasmagen bemtalip ke kegogak  
mgwatnaņ mimindewap.

<sup>30</sup> Kilaismagen notnne, neņ Amobotnaņ Zisas  
Kilais egapmti Kawawaņaņ nin egalen mulup an  
ombemndeyeyepmti Emetak Teņaņ keņaņ bem-  
peye keyaņ indamukulem mme notnneyet gogot  
mimiyet ndaye. Keyet Kawawaņaņ nâlen nukņaņ  
ke mukulem mimiyet dundum sait. <sup>31</sup> In kekok  
namukulem mme Kawawaņaņ Zudia msalengat-  
naņ am nâmkiņpepeņinpiņ ekņengalen belengat-  
nan gilik zemti napbe. Ma Kawawaņgalen am  
Zelusalem mamaip ekņengat am Zuda maņgeen  
ku sokbembenaņ ekņenaņ milawat ondek beme  
tim mebap keyet oloņen mbep. <sup>32</sup> Kegok mme neņ  
inmagen kosâgât oloņen palen koti inmak bugan  
tat indema kegoset ke Kawawaņaņ in ma nâgât  
keņņ mme oloņen bewe. <sup>33</sup> Kawawaņ ek keņ  
sewak mama keyet ņotekņaņ egaņ inmak kwesin  
mamayet nâmti dunduyap.

## 16

*Pâlaņ Loma mka temaņgatnan an imbi  
ekņengat nâpeņ mamamtan*

<sup>1</sup> In nâgât Kilaismagen ipm Pebe egaņ  
inmagen kot pataņ zeme in ek weyaņ ekdamuņ

mbep. Ek Senkli mkaen imbi damuŋ matazin.  
<sup>2</sup> Âpme neŋ in Amobotnaŋgat nâmti Pebe mkitik peme ingat tuŋguwinan mamayet nâmti diindoyap. Kawawaŋgalen an imbi nin mama mimi dolakŋaŋ kekok ŋep penaŋ mimiyelen. Egaŋ kekok neŋ ma am notnaŋ mandamukulem mamimindain keyepm ek nukŋaŋ ŋen sokbemsame in mukulem mpewep.  
<sup>3</sup> Mti Plisilamak Akwila eget nenmak nsakwep Kilais Zisasiyelen mulup animbiŋaŋet nâgât egaŋ indamukuin zewep. <sup>4</sup> Egelan nâgât mti sekŋit walesât mbungapmti Kawawaŋgalen am Zuda maŋgeen ku sokbembeŋaŋ ma neŋ egetgat keyet nâmamozin. <sup>5</sup> Ma egalen mkaen an imbi ondekti Zet Zapat Dolakŋaŋ Penaŋ zenâ zenâ mamip ingat kekok indamukumindein. Ma in Epinetas notn penaŋ Esia an Kilais kukŋaŋgat nâmkijpeyeen ek kekok mukumpeyap. <sup>6</sup> Malia egat kekok zeme nâk egaŋ inmagen mulup omba penaŋ mge keyepm neŋ egat nâma dolakŋaŋ beme ek kekok mukumpeyap. <sup>7</sup> Adonikus an ma Zunias ek imbi eget am maŋge msat kwegatnaŋ neŋ keyetnaŋgapmti neŋmak nsakwep mka katiŋan kek ndeme taben. Egetgat zeme nâselup neŋ eget kogogak mukumideyap. Eget an imbi kwizet buŋamit temaŋaŋ ma eget kogogak an imbi Kawawaŋgalen zet timamti zenze an ekŋengat tuŋguwinan mamti Kilaisiyelen Zet Zapat Dolakŋaŋ Penaŋ ŋeŋaŋ bemti nâmbun. Neŋ ewe belak mama egelan kekok mbun.  
<sup>8</sup> Ampliatus ek Amobotnaŋgalen mama mimien

notn penanġapm mukumpeyap. <sup>9</sup> Ulbanus ek Kilaisiyelen mulupgat mandamukulem mindein ekmak Stakis egat notnet penanġat idamukum ideyap. <sup>10</sup> Apelis ek Kilaisiyelen mulupġapm sindem omba same ke epumti manġe keyanġ mme ek Kilaisiyelen an penanġ mamain mukumpeyap. Mti am Alistobulus egalen mkananen matalip eknen kegogak mukumideyap. <sup>11</sup> Zuda an notn Elodion ma am Nasisusyelen manġe Amobotnanġmak mamaip eknen kegogak indamukumideyap. <sup>12</sup> Imbi zut Tilipenamak Tiliposa egelanġ Amobotnanġgalen mulup nuknanġbenġ penaġ mamilup. Imbi eget kegogak mukumideyap. Pesis ek Kawawanġgalen mulup windenanġbenġ mangapmti ek kegogak mukumpeyap. <sup>13</sup> Lupus ek an Amobotnanġ mâtî mamayet ġinġinġ mamain. Ek mamenet egelanġ dolaknanġ nadamuġ mbun mti mamaġanġ nâġât mammnok penaġ beye keyepmti eget kegogak mukumideyap. <sup>14</sup> Asinklitusmak Pligon ma Elmes ma Patlobas ma Elmas ma an notnne notnanġ eknenmak mamaip eknen kegogak mukumideyap. <sup>15</sup> Pilologusmak imbiġanġ Zulia ma Neliasmak ipmanġ ma Olimpâs ma Kawawanġgalen an imbi sambe ekmak matalip eknen kegogak indamukumideyap. <sup>16</sup> Kawawanġgalen an imbi mama mimiġinġ tazin keyet katanġ ilinak notn notn mti bet butem aiwep. Msat katanġ Kilaisiyelen manġe eknenanġ ingat kegogak nâpenġ mamaip.

*Am notnanġanġ nâmkînġepemak maindakalanġ in-deip ekġengalen zet*

<sup>17</sup> Kilaismagen notnne, in indakalaŋti Zet Zapat Dolakŋaŋ Penañ zemzikat indamimiŋaŋ ke myuŋgusât mamip. Am ekŋen keboŋgat indiksem indemti bamkumindewep. <sup>18</sup> Am ekŋen keboŋ keyaŋ Amobotnaŋ Kilais egat mulupmaŋ ku mamip. Ekŋenaŋ ilinaŋgat keŋinaŋgalak mulup ke mamip mti sek mmobot zet zemti an imbi notnaŋ keŋin uwatnaŋ zet kelakŋaŋ mimindamti maindatetimindeip. <sup>19</sup> Zet Zapat Dolakŋaŋ Penañ nâmti maŋgawepup keyet zet zapalin msat katanŋ mepmâge. Âpme neŋ keyet ingat keŋ dolak nâmti pigok diindosowap. Kwitnaŋ kwitnaŋ dolakŋaŋ mimiyet keŋin imbelanaŋ beme oloŋen palen mbep. Kwitnaŋ kwitnaŋ bekananŋgatgut imbelanaŋ bemti ku mbep. <sup>20</sup> Kawawaŋ An sewakŋaŋ toŋaŋ egaŋ Sadaŋ belaknik kapi mtopesâpm. Amobotnaŋ Zisas Kilais egalen keŋ taolelaŋ inmagen wemti wembe. <sup>21</sup> Mukulem mimin Timoti ma Zuda am notnne notnaŋ Lusias ma Zeson ma Sosipata ekŋenaŋ in kegogak indamukumindeip. <sup>22</sup> Tetias neŋ Pâlaŋ zet zeme keyet katanŋ zet kapi kumti Amobotnaŋgat kwitnanaŋ zet kapi ingat kumidalup mti neŋ in kegogak indamukumindeyap. <sup>23</sup> Gaiasyaŋ neŋ ma nâmkinŋpepeŋinmak manndikdamuŋ minden egaŋ kegogak in indamukumindein. Ma Elastas ek Loma gapmangalen mulup an mka kapiyelen mânep damuŋ ek ma ningat notn Kwotas egeleŋ in kegogak indamukumindeip. <sup>24</sup> Amobotnaŋgalen anŋalaŋ gogolaŋ inmagen wemti wembe penaŋ. <sup>25</sup> Kawawaŋaŋ neŋ Zet Zapat Dolakŋaŋ Penañ tim kotdiindowaneset

ingalen nâmkinpepenjin Zisas Kilaismagen tazin ke mme windenjanbenj nep tatagalen. Mme Kawawanğalen zet enzililiñan ewenjan baen takwage ke Nemunanj ningapmti peme kotgakikiyelen nânge kelak sokbeye keyet zapatnanj mandindonup. <sup>26</sup> Kawawanj mama kanzizit mamain eğan zemndeme nin keyet katanj manzemkawanj benup. Ma am sambeyanj ke nâmti gawepupuyet nâmti zeme golanj zenze an eknenanj papi-aen yananj sosok zemkawanj bemti meluwanj mpepenanj. <sup>27</sup> Âpme Kawawanj ek an ñoktiknanj temanj mamain Zisas Kilais ningapmti zempeme koge keyepmti Kawawanj zem oloñen mpemti kwesinj kwesinj sesewatpepeyelen! Ke penanj.

**Kawawangalen Tâtâ Alakŋaŋ**  
**The New Testament in the Nabak Language of Papua**  
**New Guinea**  
**Nupela Testamen long tokples Nabak long Niugini**

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

---

PDF generated using Haiola and XeLaTeX on 4 Mar 2023 from source files dated 9 Oct 2020

ea68a902-358a-5c72-82de-a583fc4809e7